



MATAGALUEGA O TINĀ MA TAMA'ITA'I
ATINA'E O AFIGAAGA MA AGA FESO'OTA'I

FA'ATONUFOLAU MO LE TAPU'EINA O OLAGA AMATA O LE FANAU I SAMOA 2024-2034

'Sui le amataga o le tala ina ia suia atoa ai le uiga o le tala'



There is no restriction on the quotation or reproduction of any part of this publication provided that the source is acknowledged.

© Samoa Ministry of Women, Community, and Social Development.
February 2025

Ministry of Women, Community, and Social Development

To'oa Salamasina Building

Mulinu'u Road

Phone: +685 27752

Website: www.mwcsd.gov.ws



MINISTRY OF WOMEN, COMMUNITY
AND SOCIAL DEVELOPMENT



unicef 
for every child

**FA'ATONUFOLAU MO LE
TAPU'EINA O OLAGA AMATA
O LE FANAU I SAMOA 2024-2034**



FA'ASINO TUSI

FA'AFETAI	V
UPU TOMUA	VII
01. FA'ATOMUAGA	1
02. MEA MONI MA LU'ITAU	13
03. VA'AIGA TAULA'I MA TULAFONO TA'IALA	20
04. SINI AUTU MA TAUNU'UGA MO'OMIA MA GALUEGA FA'ATINO	27
05. MATA'ITŪINA, ILOILOINA, TALI ATU MA LE A'OA'OINA	34
06. FA'ATONUFOLAU MO LE FA'ATUPEINA	35
07. FA'ATINOINA MA LE FA'AMAPOOPOINA	36





FA'AFETAI

E ia te a'u le agaga fiafia e faailoa le Fa'atonufofau mo le Tapu'eina o le Olaga Amata o Fanau, i Samoa. i le tino mai ai o lenei faamoemoe, ou te fia faamauina ai le agaga fa'afetai ia i latou uma na velo aso i lenei tapenaga.

O lenei tapenaga tele, o se galuega sa pulupululima faatasi, ma o lona tino mai e pine ai le galulue punoua'i, ma le fe'oe'oea'i o le toatele o tagata faapea faalapotopotoga e ala i le tuufaatasia o tomai ma agavaa. E faamauina le faamalo ma le agaga fa'afetai i taitai o le Malo, o matuao-faiva i le galuega o faiga faavae, faia'oga o a'oga amata, o taitai o nuu ma afio'aga ma Ekalesia, faapea mātua sa faasoa le oa o finagalo ma le silafia mo le fausiaina o lenei galuega.

E le gata i lea, e momoli foi le fa'afetai i faufautua faapitoa sa lagolagosua i le poupouina o lenei galuega atoa. .

E fa'afetaia foi le sao tāua o paaga galulue ma paaga fesoasoani mo le lagolagosua i soo se vaega, e le gata i tulaga tau seleni ae faapea foi le tomai ma agavaa faasoa ua afua ai ona tini ma tau lau o le faamoemoe.

Ma i le aga'i i luma, o le a avea lenei fa'atonufofau ma vaega tāua mo le fausiaina o se lumanai manuia mo a tatou fanau. O la tatou matafaioi fai faatasi le faatinoina ma le tausisia o mataupu fa'avae ma tulafono e mautinoa ai e maua e tamaiti Samoa uma se amataga sili o lona olaga.

Fa'afetai tele mo lo outou sao i lenei taumafaiga tāua ma le aoga.

Afioga Hon. Laga'aia Ti'aituau Tufuga

Minisita - Matagaluega o Tina ma Tama'ita'i, Atina'e o Afioga ma Agafesoota'i.



UPU TOMUA

O le tausiga o le soifua o le tagata e ile totonugalemu o le soifua o soo se tagata. Ina ia atagia le moni ma faamaoni o lea fuaitau, e tatau ona iai ile ogatotonu o fuafuaga mo le atinae o soo se atunuu. Afai tatou te fa'aaogaina se fuafuaga e faamua-mua ai le tāua o le tausiga o le tagata, o le a mafai ona maua se siosiomaga sili atu le manuia, fa'atamaoagaina, soifua maloloina ma le a'oa'oina mo i tatou uma. O le iai o se si'osi'omaga lelei i vaitausaga o le tuputupu a'e o fanau laiti, e fa'aleleia ai le soifua maloloina o fanau, a'oa'oga i le lumanai, avanoa faigaluega, ma le fa'alauteleina o le tamao'aiga. O le fa'amautinoaina o faamanuiaga faavae a fanau e ola ai, faamanuiaga faavae i puipuiga, faamanuiaga faavae i atina'e o le tino ma le mafaufau ma feagaiga, faavae e auai i soo se vaipanoa o le soifuaga, e saofagā i le atina'eina o lo latou olaga atoa.

E tāua tele le malosi ma mau'a o le amataga o le olaga o soo se tagata, aua o le faavae mautu lea mo le soifua manuia ma le mafai ona tali i faafitauli ma luitau mo tausiga o lumanai. O le lagolagoina o fanau ina ia ausia le maualuga e gata ai a latou aoaoga amata mo le uluai 5 tausiga o latou olaga, o le faavae mautu lea mo ni fanau manuia i a'oa'oga, galuega, soifua maloloina ma atili faaleleia ai sootaga vavalalata ma aiga, aganuu, gagana ma tagatanuu.

O faatalatalanoaga tāua ua maea ona faatino ua faaaogaina e poupu ai lenei Fa'atonufofau, ina ia mautinoa o le tapu'eina o olaga amata o le fanau, ia totonugalemu ile Ta'iala mo le Lumanai Manuia o Samoa, e na te faataoto se fuafuaga fa'avaitaimi e maualuga ai le tulaga tau atinae o Samoa mo le lumanai. O le a faamautinoa ai foi o fuafuaga ma alafua a le malo o Samoa ua taoto, e amanaia ai manaoga o autupulaga i lenei vaitau faapea ma le lumanai, ina ia mautinoa e leai se tasi e faagaloina.

O lenei Fa'atonufofau o se ta'iala mo le atunuu atoa ma le faamoemoe ia ogatusa ma fuafuaga a vaega ma'oti o le malo ma o se ta'iala e faamalosia ai le galulue faatasi o soo se itutino o le atunuu atoa, ina ia faamuamua le tap'ueina o olaga amata o le fanau, o se vaega tāua tele mo le manuia o Samoa.

Ua tautino le Malo o Samoa e faamau-lugaina le atinae o le soifua o tagata. O le mafuaaga lea, o ana faiga faavae, punaoa, ma faatinoga ua taula'i mo le atinaega o le tagata; ina ia mautinoa le umi o le soifua, maloloina ma faamalieina o tagata uma e nonofo i Samoa.

O le faavae o le alualu i luma o le atinaega faaletagata e faalagolago i lo tatou talisa-paia atoatoa ma malamalama e tatau i le tamaitiiti i lona uluai 1000 aso o lona olaga, e tatau ona ia maua avanoa i auaunaga atoatoa ma lelei i tulaga tau soifua maloloina ma taumafa tatau, avanoa mo a'oa'oga, tausiga faamoemoeina, saogalemu ma malu puipuia.

O le faafaileleina ma le tausiga lelei o le tagata, e faatatau tonu i fanau, o latou aiga, o tagata o loo tausaiaina, ma le siosiomaga o loo feola ai. E tatau ona tatou malamalama i le siosiomaga o loo fausia faatatau ai faiga faavae, polokalame, auaunaga, punaoa faaletagata ma le tamao'aiga e manaomia mo le faatinoina o le tausiga ma le faafaileleina o fanau.

O le tautinoga a Samoa i le faalauteleina o le atinaega o le soifua o le tagata, e na te tapu'eina mai tulaga uma ma elemeni o le Fa'atonufofau mo le Faafaileleina ma le tausiga o le tagata aemaise pe a talanoaina o tatou tagatanuu aupito i laiti. O le tiute o tagata taitoatasi le atinae o se aganuu e faamuamua fanau, tausiga faamatua ma le faafaileleina o se augatupulaga mo le lumanai i ona itu uma. O le mea sao e tatau ona fai, ma e tele se aafiaga i le olaga o le tagata pe a leai se galuega e faia iai.



01. FA'ATOMUAGA

O le faamoemoega autu o le tapu'eina o le olaga amata o le fanau, o le iai lea o avanoa mo le soifua maloloina, taumafa tatau, saogalemu, puipuiga, ma le atinae o aoaoga amata. E tusa ai ma le anoanoai o saililiga ua faatino, o le popofou o le olaga o le tamaititi o se vaitau matuā tāua tele o le ola tuputupu a'e ma le atina'ega o lona ola, auā o le taimi aupito i saosaoa lea o le atina'e o le fai'ai i ulua'i tausaga o le soifua o le tagata. E tusa ai ma faamaumaga a le UNICEF (2016), e faaluaina le saosaoa o le mafaufau o le tamaititi 3 tausaga nai lo le tagata matua. i faamaumaga a Heckman (2000), e tāua tele taumafa paleni, soifua maloloina lelei, ma faamalositino i le atina'ega ole faiai o le tagata i ona tausaga amata. O le mauaina o se siosiomaga lelei i le vaitau o le olaga amata, e maua ai e i latou avanoa talafegai ma manaomia mo lo latou atina'ega atoatoa, siitia le soifua maloloina o fanau, ausia matati'a mo a'oa'oga i le lumanai, avanoa mo galuega, ma tamao-aiga i le lumanai.


O le moni ma le amiotonu o se aganuu e faalagolago i le mausali o le aiga ma le tausia ma faafailele o ni fanau soifua maloloina e avea o ni tagata matutua soifua maloloina. O a tatou fanau o lo tatou lumanai lea: e le gata mo tatou aiga ae faapea foi mo lo tatou atunuu atoa. O le tausia ma faafaileleina o ni fanau e mautu lagona, mafai ona tali i faafitauli ma luitau, ma faatuatuaina, ua o se paso e tele ni oga vaega.

O le mea moni, o le faaaluina o teugatupe e tapu'e ai le atoatoa o le olaga o le tamaititi i ona tausaga amata, o le a le pine le fua mai o ni taunuuga matuā sili atu nai lo vaegatupe na faaaluina ai i le taimi muamua, ma ua faamaonia i le tele

o ni suesuega ua faatinoina. Ua o'o i le taimi mo Samoa e faatino ai lana ia lava Fa'atonufofau mo le tapu'eina o olaga amata o fanau i Samoa. Mai lava ile ulua'i taimi na sainia ai ma faamamaluina le amanaia e Samoa o le Feagaiga Faavao-malo mo Faamanuiaga Faavae o fanau, na faamaufaaailogaina ai le tāua tele o le tapu'eina o le olaga amata o fanau i le siitia o le tamao-aiga o le atunuu. Tuu mai i luma i le tausaga 2023, o faamaumaga ua aoina ua atili faamausali ai lea mau, ma o le umi ona toso ma leai se galuega e faia iai, o le a avea lea ma taufaamatau i le lumanai o tatou tagata.

E tatau ona avea Samoa ma tufuga o lana lava tautinoga i le atinae o olaga amata o fanau aua ua nao tatou foi e malamalama lelei i a tatou faamuamua i galuega faalemalo, faaleagaga, faaleaganuu, faaupufai ma faalapopotoga, o tulaga faaagafesootai, aganuu ma le mea o taoto ai le tamao-aiga o le atunuu. O faigata o feagai ma fanau o loo faaletonu le siosimaga o latou olaga e fai a si lavelave: e le lava ni vaifofo e faatino e se Vaega Ma'oti se tasi. O le faamaopoopoina o le galulue faatasi o Vaega Ma'oti uma o le malo, e mafai ai ona maua ni taunuuga lelei e siitia ai le atinae e le gata i fanau iti ae faapea foi o latou aiga. Ua faailoa mai ai le tatau ona iai se Fa'atonu-fofau mo le tapu'eina o olaga amata o le fanau, ina ia malamalama le atunuu atoa i manaoga mo i latou ua aupito i laiti o lo tatou atunuu ina ia tauluola ma ausia le mea e gata ai lo latou taumafai i soo vaega o le soifuaga faaletagata.

O le fausiaina e Samoa o lenei Fa'atonu-fofau, o se faailoga lea o le aloaia ma naunautai e faamuamua le atinae o fanau i lalo ifo o le 6 tausaga le matua,



aua o loo faailoa mai ai o le tapu'eina o olaga amata o fanau, o se tasi o auala sili ona lelei ma aoga e fesoasoani ai e aveese le mativa ma le maua o avanoa tutusa, e siitia ai le tamao'aiga fefaasoa'i, ma fausia ai ni tagata faigaluega faamoemoeina e moomia e Samoa mo le si'itiaina o le tulaga tau tamao'aiga o le atunuu. Ua mafuli lo tatou lalolagi i le faaogaina o auala faatekonolosi i luga o upega tafailagi, o lona uiga ua faigofie foi ona maua faamatalaga ma faaosofia le manao e sailiili, aoao atili, fesootai ma galulue faatasi ma isi – o mea uma nei e tupuga mai le vaitau tonu lea o le olaga amata o le tagata. O le faamuamua a le malo i le atinae ma le faaoloina o tagata uma ole atunuu, e fuatia i le tele o la latou faamuamua e ave i le tapu'eina o le olaga amata o le fanau.

1.1 TALA'AGA

O le iloiloga o le faatinoga o Sini mo Atina'e Gafataulimaina [SDGs] ua faamamafaina ai nisi taunuuga lelei i le taulimaina o manaoga o tamaiti Samoa. O le mauaina e tamaiti o auunaga faavae e pei o a'oa'oga, tausiga faalesoifua maloloina, vai ma le tumama, e maualuga lava, ma o taunuuga ia e faailoa mai ai le maualalo o fuainumera o tamaiti Samoa o loo le lava meaai, le o aai i meaai paleni, faaletonu lana tupu ile tino ma le faamaumau o meaai, pe a faatusatusa i isi atunuu ole Pasifika. O le aotelega, e foliga mai o tamaiti Samoa, o loo ise tulaga lelei i tulaga o le tausiga ole tino, fesootaiga tuugutu ma auala e a'oa'o ai. O loo iai foi ni itu lelei i tulaga o le faateleina o le aofai o tamaiti e iai aafiaga tumau o le soifua o loo resitalaina i a'oga. O le saogalemu o meaai o loo aai ai fanau e le o se faafitauli, peitai o le taatele o le tino puta tele i fanau, o le luitau ogaoga na mo Samoa.

Ta'iala mo le Lumanai Manuia o Samoa FY2021/22-FY2025/26 – Ua fausia lenei ta'iala e fua i le vaaiga taulai a tagata o le atunuu - "Tausia le nofo fealofani, le saogalemu, ma saolotoga mo tagata uma" O lo tatou faanaunaga o le faafaileleina lea o le ola tuputupu ae o le fanau aua o le manuia lea mo tatou tagata uma. O le faamoemoega o le Ta'iala Mo le Lumani manuia o Samoa, e faalautele ai le sao o afio'aga ina ia mafai ona tatou fausia faatasi le manuia o afio'aga, siitia le tulaga tau soifua saogalemu, malu puipua o tatou tagata faapea le siosiomaga. Mai nei atinaega uma, e muamua le atinaega o tagata – o se faanaunaga o loo aofia uma ai Ta'iala Autu e 5 o le Ta'iala mo le Lumanai Manuia o Samoa – Faaleleia le atinaega o le soifuaga lautele, faalauteleina ole tamao'aiga ma gafataulimaina, saogalemu ma faatuatuaina pulega lelei, siosiomaga malupuipua mai suiga o le tau ma le tulaga i galuega a le Malo ma atinae tetele, ina ia mafai ai ona latou maua avanoa uma talafeagai e mafai ai ona maua le soifua fiafia ma manuia o latou olaga.



E ui i le tele o polokalame ma auaunaga mo fanau iti, e leo lelei ona faafoe ma faamaopoopoina e matagaluega a le malo ina ia mautinoa ua taoto se alafua mautu e mafai ai ona agavaa fanau iti uma i auala ma auaunaga eseese e tapu'e ai lo latou ola tuputupu a'e ia mautinoa e iu manuia ma ausia laasaga aupito sili latou te gafataulimaina. E taugata le nofoa'i ma lei se galuega e faia iai. E faatusaina le faalua i le faatolu le tele atu o le tamaoaiga o le atunuu e faaalu e tali atu ai i faafitauli tau soifua maloloina, saogalemu ma le tamaoaiga, i le tau e faaaluina i le tapu'eina o olaga amata o le fanau.

I le ripoti sa faatino mo 'Tomai o tagata Samoa i tausaga amata o le olaga', ua faaali mai ai, o le maualalo o le faamuamua, faatapulaaina avanoa, ma faafitauli tau ile faatupeina, o mafuaaga autu ia o le maualalo o le auai o fanau i Aoga Amata. O le ripoti lava lea o loo maitauina ai le lelei o le faitautusi ma le faitauina o numera e fanau iti sa auai i Aoga Amata pe a faatusa i fanau iti e lei auai ini Aoga Amata (0.61 – 0.21) A fua i vaega e 8 o le atinaega o le olaga amata o le tamaititi (faaletino, tautala, faaleaganuu/ faaleagaga, agafesootai/lagona, finafinuu, auala e a'oa'o ai, fuainumera/ manatu faavae ma le faitautusi) ua faailoa mai ile nei ripoti e na o le 0.51 le togi o fanau i le va 2-5 tausaga i Samoa o loo lelei lo latou tuputupu ae (o le 1 le togi aupito maualuga).

O Aoga Amata o loo mata'ituina e le Fono Aoao o Aoga Amata i Samoa. O loo iai vaegatupe mai le Malo e faasoaina mo Aoga Amata i tausaga taitasi e fesoasoani ai ile faaleleia o faleaoga, faagasologa o galuega, o alaga'oa manaomia ma meafaitino latou te manaomia mo a'oa'oga. O le faasoaina o le vaeveaga o tupe e fua ile aofai o tamaiti auai i le a'oga. O se fesoasoani a le malo e tauala mai i le Matagaluega o A'oga mo A'oga Amata uma ina ia faaleleia atili le siosiomaga mo a'oa'oga ma siitia le agavaa o fanau i mataupu a'oa'oina ina ia lava tapena ai i latou mo a'oga tulagalua. O le taimi nei e \$400.00 ua fuafuaina i le tausaga mo le tamaititi aoga e toatasi ua resitalaina, o se siitiaga mai le fua faatatau sa iai muamua e \$200.00 i le tamaititi e toatasi mo le tausaga atoa. O nofoaga tutotonu mo A'oga Amata e tele lava ina faatautaia e faletua o faifeau poo Komiti a Tina o nuu. O le faatinoga o a'oa'oga e ala i taaloga e matele ina fai i fale tele o Ekalesia poo fale komiti. O nei nofoaga e tele ina faaogaina e tagata o le nuu i aso uma, a o le a aafia ai le faatulagaga ma fuafuaga a A'oga Amata.

O le Fuafuaga a le Vaega Ma'oti mo le Soifua Maloloina 2019/20 – 2029/30 ua fausia e fesoasoani i le Malo aemaise lava le Vaega Ma'oti mo le Soifua Maloloina, i le ofoina atu lea o auaunaga e totonugalemu ai le tāua o tagata (tausaga faalesoifua maloloina, faaleleia o le soifua maloloina & auaunaga mo puipuiga ae lei aafia) e siitia ai le soifua maloloina ma le




manuia o tagata. – Taunuuga 5 - “Faaleleia le Soifua Maloloina o Tina ma Fanau” – e iai lona paketi faaagaaga e tusa ma le SAT19,888,000. O lenei taunuuga autu o loo iai le faamoemoega faapitoa ‘ia faaititia tina maliliu pe a fananau ma pepe malliiu ile fananau mai, ma ia faaititiitia tamaiti maliliu i ma’i tumau.

O nei Taunuuga Autu o loo ua fausia ai le anoanoai o polokalame e aofia ai le faaititia o tina ma pepe maliliu i le taimi e fanau ai, o fanau maliliu i lalo o le 5 tausaga le matutua, o le faasopolia o le tui puipui o fanau mo le DTP3, misela, Hep B, faafouina o le polokalame o tui puipui mo (EPI), faalautele le polokalame mo le tausiga ma vaaia o fafine ma’i to ia faasopolia le atunuu, a’oa’oga mo faatosaga, faaititia le tino laiti ma le mauualalo o le mamafa o le tamaititi i lona fanau mai. Paga lea e leai se lipoti faaletausaga o le alualu i luma o le polokalame talu mai lona amataga.

Faiga Faavae a le Atunuu mo le Faafouina o Faama’i Le Pipisi 2018-2023 – ua faailoa mai ai le tataua ona faavavevave a tatou galuega fai faatasi e le Vaega Ma’oti mo le Soifua Maloloina, o tatou nuu ma afio’aga, ma paaga ina ia fausia se Polokalame mautu e faafou ai Faama’i Le Pipisi ma ia taulai le vaaiga ina ia mafai ona foia ai le faafitauli o le siitia o faamai le pipisi i se auala mautu lona fuafuaina. O polokalame faa soifua maloloina, faalauiloa ma le faaititia o luitau o se tasi lea vaega tāua e fesootea ma le tapu’eina o olaga amata o fanau e ala i le taulai o le vaai i vaega e pei o le fausia ma le faatinoina o le polokalame faasoifua maloloina mo a’oga: e aofia ai faalauiloa o le soifua maloloina, taumafa paleni, soifua maloloina o le fofoga, ma’i o le fatu rumatika, tui puipui, faamalosi le faasusuina o pepe i o latou tina, faatalatalanoaga ma a’oa’oga mo teine tausimai i afio’aga ina ia faailoa le tāua o le suasusu o tina mo fanau i totonu o afio’aga.

E 47% o le faitau aofai o tagata Samoa o loo mauaina le suavai mama ma saogalemu mo le fofoga taumafa, i le tulaga o le tumama, e 95% o tagata Samoa o loo latou maua auaunaga masani mo le tumama ma e leo maua le atoatoa o faamaumauga i totonu o le fuafuaga a le [WASH] e faapena foi ma aoga.

O loo tālia le pasia o le Tulafono Taufaaofi mo le Tausiga ma le Puipuiga o Fanau ma o le a toe asia e tusa ai ma galuega fatino o lenei Fa’atonu- folau faatasi ai ma le toe faafouina o le Faiga Faavae mo le tausiga ma le puipuia o fanau. O lenei tulafono taufaaofi o loo aiaia ai le soifua manuia ma le puipuiga o fanau ma ia maua ai se fesoasoaniga mo fanau o loo moomia le tausiga ma le puipuiga ise auala e ogatusa ma manulauti o Feagaiga Faavaomalo ma ona aiaiga, mataupu faavae faaleagaga ma tu ma aga faaleaganuu. O le Sini Autu o le Tulafono Taufaaofi o le una’ia o le soifua manuia o fanau ma le puipuia o i latou mai soo se ituaiga sauaga, tuulafoaina, ma le aafia i uiga faatautala.




E le gata i lea, ua taoto le tele o Tulafono o loo ua faavae ai ituaiga soligat-ulafono, faasalaga ma auala o puipuiga faatatau i sauaga i totonu o aiga e pei o le Tulafono mo le Saogalemu o Aiga 2013, Tulafono o Soligatulafono 2013, Tulafono mo Fanau laiti 1961, Tulafono mo Tupulaga Talavou Solitulafono 2007, Tulafono mo Aoga 2009. O le Tulafono mo le Saogalemu o Aiga 2013 o le Tulafono autu lea o loo ua aiaia ai le siitia o puipuiga mo aiga aemaise le faatautaiga o mataupu tau sauaga i totonu o aiga ma isi mataupu e fesootai iai.

TULAGA O LO'O TA'OTO AI LE SOIFUAGA O TAGATA SAMOA

- ✧ Tulaga o le soifua o tagata – I le tausaga 2021 e tusa ma le 27,104 tamaiti i lalo o le 5 tausaga , tusa lea o le 14% o le faitau aofai o Samoa e 205,557. E 15/1000 tamaiti maliliu i lalo o le 5 tausaga le matutua ma le 9/1000 o pepe maliliu i le faatoa fananau mai. O loo lelei faamaumauga mo Samoa ile ausiaina o Sini o Atinae Gafataulimaina ile itu tau i tina maliliu i le taimi o ma'ito (SDG 3.1.1) ma le soifua maloloina o fanau (SDG 3.2.1, 3.2.2) e pei ona faailoa i Sini o Atinae Gafataulimaina ua tā'ua.
- ✧ Famaumauga mo le Tapu'eina o Olaga Amata o Fanau i Samoa – 73% o tamaiti i le va o le 36-59 masina o loo ausia sini tulituliloa i le tusa o le 3 i le 4 vaega autu (faitautusi ma le numera, aoaoga faitino, agafesootai, ma lagona), Auai o mātua – 58% o tamaiti i le va o le 2-4 tausaga ua saunia mo aoga amata ma isi gaiouga e a'oa'o ai (e aofia ai le faitautusi ma taaloga) faatasi ma o latou tina faatusatusa i le 23% ma o latou tama. 16% o tamaiti lalo o le 5 tausaga e tuu tiai i le fale pe vaaia foi e seisi tamaititi e lei atoa le 10 tausaga ise taimi e ova atu ma le itula. E na o le 9% o tamaiti e iai ni tusi faitau i le fale. E tusa ma le 39/1000 tupulaga talavou ua fai fanau, 6% pepe fananau lē au, 7% tamaiti lalo ifo o le 5 tausaga e tupu avivilu. O i tonu o loo tau mai ai ia tatou le tāua o se fa'atonufofou e mafai ona tatou iloilo ma sailiili ai auala aupito sili e mafai ai e tagata o loo tausia fanau faapea mātua, ona faatāua le vave tapu'e o le olaga amata o fanau mai totonu o aiga, ina ia mafai ai ona faigofie a'oa'oga ma le tausiga faautauta lelei o fanau.
- ✧ Ua tatou iloa, e ese mai faamoemoega mo a'oa'oga amata, o loo iai ni faamoemoega tāua faa-le-malo mo le faaleleia ole tulaga o a'oa'oga amata, mautu ma lava tausiga faa soifua maloloina, tau-mafa paleni, tausiga ma le faautautaga lelei, saogalemu ma malu puipua le siosiomaga mo fanau mai le 0-6 tausaga le matutua. O le tele lava o fuafuaga faalemalo ua taoto taunuuga o loo aofia ai nei vaega uma, peitai e le o manino lona faamatalaina ina ia aliali mai ai, o le tapu'eina o olaga amata o fanau o se faamuamua tāua mo le atunuu atoa.

- ✘ Ua tatou iloa e faimai le Tulafono e faamalosia le a’oga o le tamaititi i le a’oga amata pe a ua atoa le 4 tausaga. Ua tatou iloa e tusa na’o le toatasi mai le toafa (1 out of 4) o loo fa’aa’o’oga, e maualalo lava lea fuainumera. E iai foi le eseese pe a faatusatusa nuu i tua ma nuu tu taulaga. Mai resitala uma e tusa ma le 5,291 le aofai o i latou ua resitalaina i a’oga.
- ✘ Ua tatou iloa e na o le 3 mai le 126 (1/126) A’oga Amata ua pasia uma tulaga ma aiaiga e faafoe ai A’oga Amata. Ua faatupulaia le aofai o pisinisi tuma’oti e ofoina auaunaga mo le vaaia o fanau i le ao ma ua maitauina le taugata.
- ✘ Ua tatou iloa o le olaga amata o le tamaititi o se vaega aupito sili ona tãua i le tuputupu a’e ma le atinaega o le tamaititi, aua o le taimi pito i saosaoa lea o lona faiai. Peitai ane, afai tatou te le fa’aa’o’oga i A’oga Amata e faitaulia ai galuega e tatau ona faia mo le Atinae o olaga Amata o le Fanau, ua matuã faaletonu lava le ausia o le aotel-ega e tatau ona iai. O A’oga Amata ua na o se faailoilo se tasi mo le tapu’eina o olaga amata o le fanau. A tatou vaai i le vaeveaga o le paketi mo le Ofisa o Aoga i le taimi nei – e \$139,162,748, ona vaai lea i le tala faatatau o vaega tupe faamuamua mo A’oga Amata 2023/24 e \$4,528,279, e atagia mai ai, .032% o loo faaagaaga mo A’oa’oga Amata.
- ✘ I se iloiloga i paketi mo galuega faatino a le Matagaluega o Soifua maloloina sa faatinoina ma le faamamafa i le tapu’eina o olaga amata o fanau, oloo maioio ai taunuuga moomia, e ititi ifo ma le .05% o le paketi a le soifua maloloina o loo faaogaina mo galuega mo le tapu’eina o le Olaga amata o le Fanau.
- ✘ Tina maliliu - 43/100,000. Taimi nei e le o iai ni faamaumauga i pepe fananau mai e maualalo o latou pauna.
- ✘ Lagolago ma Auaunaga mo le tapu’eina o olaga amata o fanau – Tausiga Faafailele -Tausiga o le tina ao ma’ito (faafa (4) pe sili atu ona alu e siaki le fomai) -70%, Asiasiga i le falemai pe a uma ona fanau – 83%, Sailia le tausiga mo fanau limonia – 72%, Vave faasusuina o pepe i tina i le faatoa fananau mai – 81%, faasusu faaauau o fanau – 70%, tapulaa mo meaai talafeagai – leai se faamaumauga, Resi-talaina o pepe fananau mai – 67%, Suavai taumafa -92%, Tumama – 97%.
- ✘ Ua matuã manaomia faanatinati ni faamaumauga a le atunuu e uiga i faamatalaga lautele i le tapu’eina o olaga amata o fanau, o le soifua maloloina o mafaufau o mātua, o auaunaga fesoasoani mo mātua



(faalapotopotoga poo asiasiga), auaunaga lelei ma atoatoa ofoina e i latou o loo ofoina auaunaga totoigi mo le tausiga o fanau i le ao.

- ✳ O le tulaga o le le paleni o meaai (<2.5%*) ma le le lava o meaai e aofia ai ma le tupu avivilu o fanau (5%) ma le faatauga o meaai (4%) o loo maitauina le maualalo o fuainumera mo Samoa pe a faatusa i isi atunuu o le Pasefika e ui o le tino puta tele i fanau, o se luitau tele lea mo Samoa.

1.2 AUTU UA ALIA'E MAI

I. AVANOA MA TULAGA LELEI O TAUSIGA MA A'OA'OGA I OLAGA AMATA O LE FANAU. (ECCE)

O fanau sa tulaga lelei le tausiga ma tapu'eina olaga i a'oa'oga amata, e maitauina le saunia o i latou mo a'oga tulagalua, e faaalua le siitia o agavaa e faaoga ai le mafaufau, ma faaalua le siitia o tomai ma agavaa faaagafesootai aemaise o le faafoeina o lagona. O nei aafiaga uma i lo latou laiti e iai le sao tāua i le fuafuaina o le faasinomaga o le tamaititi i le a'oga ma ona tua atu, ma avea ai le maua o avanoa mo tausiga ma le tapu'eina o olaga amata, o se tapenaga e faamautu ai le saunia o le tamaititi mo a'oa'oga ma ausia le ola a'oa'oina lelei.

O faamaoniga manino o loo faalia ai o uluai polokalame ma galuega faatino e tulimatai ai le soifua maloloina, soifua manuia, agafesootai i itu tau lagona poo atinaega o le mafaufau o fanau iti, oni faiga faavae atamai. O le faateleina o avanoa ina ia lelei ma atoatoa auaunaga tau tausiga ma le tapu'eina o olaga amata, e iai faamanuiaga faaumiumi, aua e maua ai tupe faasili e ala i le faaitiitia o pasene o fanau ua le toe a'oa'oga, puipuia mai le leai se suiga o maka a tamaiti i a'oa'oga, ma faleleia le aotelega o le lelei faatino o a'oa'oga (UNICEF 2019a).

O se tasi vaega pito sili ona tāua mo le atinaega o olaga amata o fanau o le uluai 5 tausaga o le olaga. E sili atu ma le 90% o le atinaega o le faiai e tupu i lea vaiata amata ma o le a iloa ai ele tamaititi ona a'oa'o i auala e mafaufau ai, fesootai, ma fegalegaleai ma isi tagata i se taimi vave, ma fausia ai neura fou o lona faiai i le va o le 1000 i le miliona i le sekone. (Center on the Developing Child, 2010).

II. TA'IMUA AFIO'AGA

E leo se mea fou mo Samoa lena mataupu, o le fuafuaga o Atinae mo Itumalo ua faamausali ai le faatāua o malosiaga ma aseta o loo maua i afio'aga; ma le tāua o le fuafuaga o lo latou silafia. O le ta'imua o afio'aga mo lo latou lava atinae e tāua ai le tilotilo i malosiaga o loo ua iai. E faavae i le manatu faapea o le soifua manuia mo le atinaega o a tatou



fanau o vaega ia e faanaunau iai o tatou tagata uma, ma o vaega autu o la tatou faasamoa, o le faaleagaga ma le aganuu e tāua tele i le faatumauiina o le soifua manuia.

O lo tatou aloaiaina lea o lo tatou sootaga ma le va fealoai e laualuga i le faatāuaina o le faaaloalo, tausī mamalu, alofa, puipuiga ma auunaga o ta’ialaina ai a tatou fegalegaleaiga ma tiute tauave i aso taitasi. E faatatau ile olaina o feau tāua mo le tapu’eina o olaga amata o le fanau ina ia atili faamalosiā ma unaia aiga, nuu, le malo, o vaega ma’oti, auunaga mo le atinaega o olaga amata, a’oga, ma faalapotopotoga tuma’oti ina ia faamuamua le atinae o olaga amata o fanau i Samoa. O le ta’imua o afio’aga i faalauiloa ma a’oa’oga e tapu’e ai olaga amata o fanau e faaosofia ai le atunuu atoa ina ia galulue faatasi e mautinoa ai le mau avanoa uma o fanau a Samoa i faamanuiaga i uluai tausaga o lo latou olaga, e aunoa ma ni mafuaaga e taotaomia ai lo latou atinae.

III. MĀTUA MA E TAUSIA FANAU

E faatatau ile faaogaina o a’oa’oga tau tapu’eina o olaga amata o le fanau e avea o se avanoa e auai ai mātua ma i latou o tausia fanau i soo se vai-panoa o galuega a vaega ma’oti eseese ina ia faalauiloa atili feau tāua o le tausia lelei o fanau, ma lagolagoina pea le tāua o uluai tausaga o le tamaititi mo le atinaega o lona faiai ma le tino E aofia ai ma le faalauiloina o feau tāua mo tausiga lelei a mātua e faaoga ai auala talafeagai mo a’oa’oga e suia ai tu ma amioga talafeagai.

IV. FA’ALAUILOA MO LE TAPU’EINA O OLAGA AMATA O FANAU

O le mafai ona tatou fesootai ma itumalo uma e saofaga ai faalauiloa ma a’oa’oga e faaleleia atili ai polokalame ma auunaga mo le tapu’eina o olaga amata i lo tatou atunuu atoa. O le faamalosiā faatulafono o le faatinoga e tapu’e ai olaga amata, o le a faamautinoa ai foi le tumau o feau tauave e olaina e tagatanuu ma e autasi uma iai mo le faaogaina. E faatatau i le faalauiloina o i latou o loo ta’imua i nei galuega i totonu o le malo, itumalo, afio’aga ma faamalosiā ai le tomā ma le malamalama o taitai o Vaega ma’oti taitasi ina ia mafai ai ona fausia se alafua e o gatusa ma fuafuaga ua uma ona faataoto a Vaega ma’oti taitasi.

V. O LE VALA’AU A LE PASEFIKA MO GALUEGA FA’ATINO E TAPU’E AI OLAGA AMATA O LE FANAU

O lenei Valaau i lona amataga na uluai faavasega i vaega e 9 o loo ootoo mai ai faatinoga autu e ta’ialaina ai taumafaiga a le atunuu mo le atinaega atoatoa o fanau iti ma ofoina mai ai se auala e mafai ai ona mata’itu taualumaga o Sini o Atinae Gafataulimaina 2030, Sini o Atinae Gafataulimaina



mo le Tapu'eina o Olaga Amata o Fanau, ma fai ai so tatou sao i isi Sini o Atinae Gafataulima. Na atili faamalasia le tautinoga mo le faamuamua o le tapu'eina o olaga amata o le fanau i le Fonotaga a Taitai o Malo o le Pasefika sa faamamafaina ai le tāua o se fuafuaga e galulue faatasi uma ai itutino o le malo ma le atunuu, ina ia fai se fuafuaga i faama'i le pipisi, tino puta tele i fanau, ma le tapu'eina o latou olaga amata.

Na pasia le faaopopo o le vaega lona 10 ia Fepuari 2023 o le vaega lea e faamamafa i le gafataulimaina e afio'aga o aafiaga o le tau ma faamalasia ai le galulue vavalalata ina ia vaavaalua le silasila i auala e tapu'e ai olaga amata o le fanau, ma alagaoa faalenatura, siosiomaga, ma le faaauuina o atinae aemaise le faamaualugaina o faalauiloa ma aoaoga mo le tapu'eina o olaga amata o le fanau, ia ata mai i matafaioi ma faamuamua a le lalolagi i le taumafaiga o aafiaga o suiga o le tau, ma ia iai se vaegatupe e faatupeina ai auauanga mo le tapu'eina o olaga amata o fanau mai ia vaegatupe a le lalolagi.


O le Valaau a le Pasefika mo galuega faatino e tapu'e ai olaga amata o fanau, o se faailoga vaaia lea e faamaonia ai le tāua o le olaga amata o le tagata ma o se tiute o tagata uma le faaauuina. Ua tatou molimauina e le gata i le va faa-atumotu ae faapena foi le lalolagi atoa, le tāua ole tapu'e lelei o olaga amata o fanau aua ua vaaia taunuuga lelei manuia , ae ua molimauina foi le ogaoga o aafiaga o le leai o se faatāua e ave i lea vaitau tāua o le olaga o le tagata.

VI. PAKETI MA LE FA'ATUPEINA

E faatatau i le faaleleia ma siitia o tomai ma agavaa o le malo ina ia malamalama ile tāua o faamaoniga ile paketiina ma le faatupeina o polokalame mo le tapu'eina o olaga amata o fanau, ma ia fesoasoani ile mamauina ma le fausia o auala e faatino ai faalauiloa ma polokalame, ina ia alu aoga tupe, ae i le taimi lava lea e tasi, ia faaosofia ai paaga mai fafo ina ia ofoina mai alagaoa manaomia ma avanoa mo fesoasoani tau tupe.

E faatatau foi i le malamalama i aafiaga o le tau, ma faalavelave tupu faafuasei ina ia iloa lamatiaga ma tulaga maaleale e aafia ai auauanga ma isi vaega tāua mo le soifua maloloina, taumafa paleni, aoaoga, puipuiga ma le soifua manuia lautele o fanau ina ia faitaulia i latou i alagatupe maua mai i le lalolagi mo suiga o le tau. E tāua ai le malamalama i le uiga ma le faaaogaina o ia vaegatupe mo suiga o le tau. O nei vaega tupe a le lalolagi pe a faamatalaina, "O vaegatupe o loo sasaa mai mo atunuu tau atiae e lagolago ai gaoiga e faaititia ai aafiaga ma faamasani i suiga o le tau, o Faiga faavae ma aoaoga e siitia ai le malamalama i aafiaga o suiga o le tau.

1.3 FA'AVAE MA LE MAFAUFAUGA NA FAUSIA AI LE FA'ATONUFOLAU MO LE TAPU'EINA O OLAGA AMATA O FANAU I SAMOA



Siata1: O le (Heckman Curve); Tupe fa'afaigaluegaina toe fo'i mai: a'afiaga o le tamao'aiga i le tapu'eina o le olaga amata o le fanau

I. TAPU'EINA O OLAGA AMATA O FANAU O SE ATINA'E FA'AMALOSIA

O le totonugalemu o le tapu'eina o olaga amata o le fanau mo le atinaega o le tagata soifua o loo faavae i le anoanoai o mau ua faamaonia ai, o le atinae o soo se atunuu e faalagolago i le maulauga e gata ai ona o tatou tatala ma tapu'e le oa o malosiaga faatagata soifua o loo i a tatou lava fanau laiti. E faalagolago lea i le malo poo fea e gata ai lo latou naunau e faamautu ma faia tuutuuga talafeagai ina ia amanaia e tagata uma faamanuiaga faavae a soo se tamaititi e agavaa ai i le faafaileleina ma tapu'e ona malosiaga, tomai ma agavaa i le mea e gata ai. Ia atoatoa le malosi ile tino, matala le mafaufau, lelei le itu tau agafesootai, maloloina le mafafau ma ua saunia e a'oa'oina i soo se vaega o le soifuaga i le mea e gata ai lona mafai. Ua tataui i a Samoa ona ia taliaina, o le vave ona faaalu tupe a le malo e tapu'e ai olaga amata o le fanau, o le maualuga foi na o le tamaoaiga sasaa mai mo Samoa i le lumanai. O le tausiga ma faafaileleina o fanau i totonu o lenei Fa'atonufofau o loo faamamafa mai ai, a leai ni galuega faatino e tapu'e ai olaga amata o tagata, ua faamauina o tagata matutua e lei maua lea avanoa mo le tapu'eina o latou olaga amata, ma sa fetiaiai ma faafitauli ilo latou olaga amata, ua na o se 1/3 tagata i le tausaga e tulaga lelei ni a latou tupe maua pe a faatusa i le tupe maua a i latou na lelei le tapu'eina o latou olaga amata. O nei tupe maua mo le tagata e toatasi pe a faaopopo faatasi e aveva ma mafuaaga o le pau o le tamaoaiga o le atunuu. Ua faailoa mai foi o atunuu e laititi la latou faamuamua i le tapu'eina o olaga amata aemaise o le soifua maloloina, o le a tele se aafiaga o lo latou atinae i le lumanai.

II. FA'ATONUFOLAU E FAUSIA I LUGA O MAU MAUTU

O le Fa'atonufolau mo le Faafaileleina ma le Tausiga (The Nurturing Care Framework) mo le tapu'eina o olaga amata o le fanau o loo faamamafa mai ai le t̄ua o uluai tausaga amata o le tagata ma tuutuuga ua laugatasia ai le lalolagi atoa e tatau ona iai mo soo se tamaititi e atinae ai lona olaga ia ausia le atoatoa e tatau ona iai. I lenei Fa'atonufolau, o se siosiomaga e atoatoa ma lelei o le siosiomaga lena e faafaileleina se tamaititi i tulaga e mautinoa ai lona soifua maloloina, lelei ma paleni meaai, mau avanoa mo a'oa'oga amata, lelei le tausiga, saogalemu ma malu puipuia. O le tautinoga a Samoa e lagolagoina mo le agai i luma o le atinaega o le tagata soifua o loo ta'ui ai tuutuuga uma ma elemeni o le Fa'atonufolau mo le faafaileleina ma le tausiga o le tagata pe a talanoaina a tatou fanau iti. I le 30 tausaga ua tuanai, ua tele suesuega faa saienisi sa faatinoina. O nei suesuega ua faamaonia ai – I le taimi o ma'ito le tina seia oo i le uluai 3 tausaga o le tamaititi, o loo taoto ai vaega pito i t̄ua e tatau ona tapena mo le faamautinoa o le soifua maloloina ma le soifua manuia ma o nei itu lelei o le a vaaia ma faaauuina i le taimi o lona talavou seia oo lava ina matua. O le faiai o le pepe fou e toetiti maua uma ai lava neura e tatau ona iai i le faiai o le tagata i lona olaga atoa. E atoa ane lona 2 tausaga, ua matuā faateleina fesootaiga faaneura ua mafai ona fai e le faiai o le tamaititi ma lona siosiomaga aemaise lava fesootaiga ma tagata e tausia i latou. O lenei ituaiga o a'oa'oga e t̄ua tele ai le faamamafa i le taimi e ma'ito ai le tina seia aulia le 3 tausaga o le tamaititi. O le t̄ua o lenei vaitau aua e matuā aafia ai le soifua maloloina, o le ola a'oa'oina ma fua e fuaina mai e le tamaititi e aafia ai ma lona olaga faaagafesootai aemaise lona soifua manuia lautele. Ua faamaonia ai foi o agavaa e tapu'eina mo le tamaititi i lona laititi e le gata ina aoga mo lona olaga atoa, ae fesoasoani foi mo le manuia lautele o le atunuu atoa.

III. FA'AVAE FA'ALETŪLAFONO MA 'AIĀ TATAU

O le Tulafono Faavae o le Malo Tutoatasi o Samoa ua faamaonia ai aia tatau faatagata soifua mo tagata uma o Samoa e pei o le Aia tatau i le ola (Article 5), Saolotoga tau le tagata (Article 6), Faasaolotoina mai faiga e le tusa ai ma faiga faatagata soifua (Article 7), Faasaolotoina mai le faamalosiina e faigaluega (Article 8), Aia tatau i le faamasinoga tonu (Article 9), Saolotoga o lotu (Articles 11, 12), Aia tatau e uiga i le saolotoga e tautala, faapotopoto ma fegasoloai ma le nofomau (Article 13), Saolo-





toga mai tulafono faailoga tagata(Article 15). O nei aia tatau e o gatusa lelei ma aia tatau o loo ile Tulafono a le lalolagi mo Aia tatau faatagata soifua [UDHR]

O le Saolotoga o Lotu o loo malu puipuia ile Tulafono Faavae: E le gata i lea, ua faailoa mai e le Tulafono Faavae, o Samoa o se atunuu Kerisiano, o lona uiga o faatuatuga faakerisiano ma lona tāua, e tele lona sao i olaga o tagata i aso uma. O le faakerisiano e faavaeina i le alofa e le matineia, agalelei, faaaloalo, faamaoni, filemu ma le faamagalalo, o ni aga tausili e fesootai lelei ma le faasamoa, o lona uiga e tatau ona faamatalaina ai le fesootaiga o le faasamoa ma le tagata soifua.

Fa'asamoa ma Aia tatau faatagata soifua - O le faaSamoa ua faatusaina o se 'kelū' poo se 'pulu' e le vaaia e mata na te faapipiina faatasi ina ia mauaa le olaga faasamoa ma ona sisitema ina ia aoga mo tagata, ma o le faaSamoa foi e ese mai ai lava Samoa i atunuu uma o le Pasefika. O le malosiaga o le faaSamoa o le Aiga potopoto. O le ulu o se aiga potopoto o se matai ua filifilia ma faamanuia iai le aiga atoa.

E tāua tele le tiute o le matai o le aiga i le taitaiga ma le puipuiga o lona auai, e faamoemoe iai le vaaiga lelei o le aiga ina ia maopoopo ma lelei lona tulaga i totonu o le nuu, o le tausimea mo fanua o le aiga mo tupulaga nei ma a taeao, o le fofoga mo le aiga e soalaupuleina faafitauli ma feeseeseaiga, ma o le sui vaaia o le aiga atoa i totonu o fonotaga a nuu. O le faaSamoa foi ua tuumatamaga ai tiute ma matafaioi a alii ma tamaitai faapea fanau ma o i tonu o loo puipuia ai aia tatau faatagata soifua a tagata Samoa uma.

O Aia tatau faatagata soifua o loo aifilofilo ai tu ma aga o le faaaloalo, mamalu, avanoa tutusa ma le saogalemu mo tagata uma. O le faaSamoa poo le olaga faaSamoa ua ta'ui ai tu ma aga o loo limataitaina ai le olaga faaagafesootai e iai le faaaloalo, tausii mamalu, alofa, puipuiga ma le ola tautua, o loo tatou faamamaluina lava lea o le amanaia o aia tatau faatagata soifua.

O Ienei Fa'atonufofau ua faavae i le amanaia o aia tatau faatagata soifua ile unaia lea o le tapu'eina o olaga amata o fanau. O loo ua mauaa i fuafuaga a le Malo mo le ausiaina o ana sini autu faavaomalo, faaitulagi, ma le atunuu ina ia amanaia le faaaloalo, puipuiga ma faalauiloaina o aia tatau ma faamanuiaga faavae a soo se tamaititi faapea tagata o loo nafa ma le tausiga o fanau ina ia puipuia i Tulafono uma. O loo tumau pea le usitaia e Samoa o Tulafono faavaomalo ma o se sui auai i totonu o feagaiga faavaomalo e 6 mai le 9 a le lalolagi. Ua saina foi ma faamamaluina e Samoa le Feagaiga Faavaomalo e puipuia Faamanuiaga Faavae ale Fanau.

02. MEA MONI MA LU'ITAU

O le Ripoti o le Uluai Saililiga na faatautaia ae lei fausia lenei Faatonufo-lau sa atagia mai ai le tele o galuega faaauau o loo taumafai mo le fausia o Faiga faavae mautu, o fuafuaga ma Tulafono, ma ua faamaonia ai o loo laina tutusa galuega o faatino e Samoa ma manaoga faa itulagi ma le faavaomalo ile tuu faatasiga o fuafuaga mo le agai i luma ina ia fausia se fa'atonufo-lau talafegai mo Samoa.. O lenei tautinoga sa faamalasia i le tele o fonotaga eseese faa itulagi ma totonu foi o Samoa, ma sa faailoa foi i la tatou ripoti mo le ausia o Sini o Atinae Gafatulimaina faapea ripoti i Feagaiga Faavaomalo.

O le luitau o loo faamalumu mai pea, o le tulaga i le faamalasia lea o ia tautinoga e ala i polokalame ma galuega faatino. Sa lagolagoina foi lea manatu i faatalatalanoaga sa faatino ma le atunuu. O le mea moni ua fai si o tatou faiaga e faatino polokalame mo le tapu'eina o olaga amata o le fanau, ae ua faaopoopo mai lava le tele o luitau. O lenei Fa'atonufo-lau ua tatou maua ai le avanoa e faatino ai loa galuega ina ia faaitiitia luitau o loo ua faamauina i lalo;

2.1 FA'AMAUMAUGA MA FESO'OTA'IGA TAU I LE TAPU'EINA O OLAGA AMATA O LE FANAU

E iai le aia tatau a mātua, tagata e tausia fanau ma fanau e latou te mau-aina ai faamatalaga, peitai e utiuti lava faamatalaga o loo maua i luga o auala o fesootaiga ma faalauiloa e faatatau i le tapu'eina o olaga amata o fanau. O fesootaiga e faatatau mo mātua e aoga mo i latou ina ia malamalama i auala uma e pei o taumafa paleni, soifua maloloina ma a'oa'oga amata, puipuiga o fanau, ma auala lelei e a'oa'oina ai amio a fanau i totonu o aiga, mafutaga faaleaiga, malamalama ma faatino auala lelei o le tapu'eina o olaga amata o fanau ma lo latou tuputupu ae, faa- sofia fesootaiga lelei i le va o mātua ma fanau, maua avanoa i auau-aga fesoasoani mo le tapu'eina o olaga amata o fanau, maua avanoa ma auauanaga fesoasoani mo fanau e iai aafiaga tumau o le soifua, siitia le malamalama i tiute ma matafaioi faa tina ma tama i le tapu'eina o olaga amata o fanau. O le tagata ola e fanau mai ma le anoanoai o ona neura, o lona tino ma ona lagona, ma o le taimi foi lea o loo iai ise tulaga sili atu ona maaleale nai lo seisi lava meaola i le lalolagi.

“E le fanau mai le tamaititi ua iloa faafae ona lagona pe iloa tali atu i faafitauli, e latou te manaomia lo tatou iai faatasi ma i latou i le tino ma le lagona amata mai lava i le faatoa fanau mai seia o'o ina talavou, ona faatoa o latou ausia lea o le atoaga o latou lagona, saogalemu ma le soifua


maloloina. O le 0-3 tausaga o le tamaititi o le piriota pito i t̄ua lea mo le tuputupu ae o le faiai, e manaomia ai ele tamaititi le pipii o lona loto i ona m̄tua o le faavae lea o le manuia o lona mafaufau i le lumanai. E t̄ua le sao o tina mo le tausiga o le olaga atoa o le tamaititi i le vaitau lea. E tauala atu i lo latou auai i le tino ma le agaga, e fa'atonutonu ai amioga ma uiga o fanau mai lea taimi i lea taimi pe a aafia o latou lagona, e aveesea mai ai lagona popole e aafia ai le faiai o le tamaititi, ma ofoina ai se siosiomaga saogalemu ma malu puipuia. Seiloga ua ova atu ma le 3 tausaga o le tamaititi faatoa mafai ona ia lagona lava e ia i le saogalemu o lona siosiomaga ma fesoasoani ai e faafesagai ma luitau o le lumanai."

Ua iai le manaomiaga ina ia faamalosia ma siitia le malamalama o le atunuu ma ia latou talia le t̄ua o le tapu'e o olaga amata o le fanau aemaise o le galulue faatasi o tagata uma e faat̄ua le tausiga o le tamaititi i uluai tausaga o lona olaga, aemaise lava le atinaega o lona faiai E t̄ua le iai o mau e lagolago ma faamalosia feau tauave ae silisili ai le t̄ua ole tutusa uma o feau tauave e faasoa atu i tagata lautele i soo se auala o fesoataiga e faaogaina.

2.2 MAUAINA O AVANOA TUTUSA MA 'ATOATOAL LELEI I LE IT̄U TAU SOIFUA FANAU TAMA MANUIA, TINA MA'IT̄O, PEPE FOU FA'ATOĀ FANANAU, SOIFUA MALOLOINA O FANAU, MA LE FA'AFAIL- LEINA O FANAU I LE ULUAI 1000 ASO O LATOU OLAGA

E moni o loo fatino i le taimi nei taiala mai i taunuuga ua faataoto e Vaega ma'oti mo le soifua maloloina ma fuafuaga tetele a le malo o samoa, peitai o loo manaomia se faatinoga fau faatasi e galulue uma ai tagata i ni sini ua fuafuaina mo le tapu'eina o olaga amata o fanau iti. O le maua ai o ni ripoti o taumalumaga o nei faatinoga i tausaga taitasi mai Fuafuaga a le Soifua maloloina ua atagia mai ai o loo tumau lava i le mea e tasi galuega faatino a le Vaega ma'oti mo le soifua maloloina.

Tatou te leo maua le aotelega mai ripoti e tataua ona atagia mai ai vaega t̄ua e 7 o taunuuga moomia e fesoasoani e fua iai le manaomiaga o loo iai ile taimi nei ma le lumanai o le atunuu ma iloa ai o loo talafeagai ma la tatou manulauti o le "faaleleia o le soifua maloloina lautele ina ia maua e tagata uma auaunaga atoatoa mo le soifua maloloina". O vaega ma'oti uma e aafia ai le Vaega ma'oti mo le Atinae o Afio'aga, Vaega ma'oti mo Aoga, vaega ma'oti mo Tulafono ma le Amiotonu, Vaega ma'oti mo le Vai ma le Tumama, Vaega ma'oti mo le Siosiomaga ma le Vaega Ma'oti mo Tupe ua manino a latou tiute ma matafaioi i le atinaega o se Fa'atonufo-lau mo le tapu'eina o olaga amata o fanau e fetau tonu ma manaoga o le tamaititi i le uluai 1000 aso o lona olaga.



Ui i lea, e tumau pea le laualuga o matafaioi mo le Vaega ma'oti o le Soifua maloloina i le agai i luma o taumafaiga mo le fanau i le uluai 1000 aso o lona olaga, pe a fua atu i la latou galuega vavalalata ma fafine ma'ito, auai ma fanau.

2.3 TIUTE FA'AMĀTUA MA LE LAGOLAGO A 'ĀIGA:

O le vaega pito i tāua i le olaga mausali o se aiga ma le lagolago a aiga potopoto. Ia talia atoatoa ma opoopo matafaioi ma le uiga o le amataga o se aiga, o le tausiga ma le ave atoa iai o le faatāua i faatalatalanoaga sa faatino ma mau a faalapotopotoga o loo ofoina nei auunaga ua faailoa mai ai e mafai ona faatino ma e aoga lea metotia mo aiga ma nuu, ae e tatau ona faatino ma le loto ua talia faatinoga o loo ofoina atu i le taimi nei ma faaogaina auala ma vaega o le fatonufolau ua faailoa atu ma le mafuaaga ua faia ai.

O le luitau o le faailoa lea o le manaomiaga mo suiga i le fa'atonufolau ia o gatasi ma le fa'atonufolau mo le faafaileleina ma le tausiga o fanau ia galueaina i luga o tatou tu ma aga ua masani ai i le tausiga o fanau e lagolagoina le faafaileleina, a'oa'oga, saogalemu, soifua maloloina ma taumafa paleni aemaise le tāua o le tausiga lelei a mātua. O leisi luitau o le tatau lea ona tatou amanaia le tāua o le soifua maloloina o le mafaufau ia faaofi i a tatou polokalame mo mātua i le tausiga lelei o fanau. Tele mātua e le o maua faamatalaga sa'o i le mafai lea e le tamaititi ona tutoatasi i le 3 tausaga muamua o lona olaga.

E faaumiumi faamanuiaga e maua mo mātua ma aiga pe a lelei ona faafailele fanau i o latou olaga amata pe a faatino se faalauiloa mo le atunuu atoa e aofia ai le tausiga o le tina ao ma'ito, tauala mai i le soifua maloloina ma faapotopotoga faalelotu ma le vaega ma'oti mo a'oga faatasi ai ma faalauiloa e faaoga ai faasilasilaga mai le ofisa o tagata faigaluega a le malo, o televise, ma soo se auunaga lautele i luga o upega tafailagi.

2.4 TULAGA AUPITO SILI MO 'AU'AUNAGA OFOINA ATU E TAPU'E AI OLAGA AMATA O LE FANAU

E ese mai tulaga fa'atonuina o auunaga aupito itiiti (MSS) a le ECE, lea ua tatou iloa e le o ausia lelei e ofisa autu ua resitala mo le ECE, o loo i ai se avanoa moni i tulaga fa'atonuina aupito itiiti mo auunaga ECD e mafai ona i ai; poo le taimi nei o loo tuuina atu i se vaega eseese o tulaga, e pei ona lagolagoina e le auala o le Tausiga o le Faafaileleina i le tuuina atu o ituaiga eseese o auunaga ECD lea e sopoia ai se vaega eseese, e tāua le tulaga lelei mo a tatou fanau laiti ina ia ausia ai lo latou gafatia maua luga o le tuputupu ae.



O le luitau o le mautinoa lea o mea eseese e fesuisuiai e pei o tagata faigaluega, mataupu aoaoina, mea e faaoga i le fale, aiga, aiaiga faavae o le soifua maloloina ma le saogalemu, o nuu o loo tuufaatasia uma ma faatulafonoina pe a vaai i le faamautinoaga o le tulaga lelei. E le mafai ona fuaina i taimi uma ia faiga eseese o auaunaga a le ECD i le ala lava e tasi.

Mo se faataitaiga, o se fale e tuuina ma tausia ai fanau i aso taitasi, e ese mai se nofoaga autu o le ECE i nuu maotua e faagaioia mai se fale faafiafia; ae o le a manaomia pea ona i ai ni tulaga manaomia autu mo faataitaiga i avanoa saogalemu ma le saogalemu, vaimama, tumama, mataupu aoaoina talafeagai ma le matua o le tamaititi ma isi mea faapena.

2.5 TAGATA FAIGALUEGA MO LE TAPU'EINA O OLAGA AMATA O FANAU

O taumafaiga a Samoa e o'o mai i le aso ina ia siitia le aofai o tagata e faigaluega mo auaunaga e tapu'eina le olaga amata o fanau, o loo ise tulaga maualalo. E leo mafai ona tatou maua ni faiaoga faauuina e galulue i Aoga Amata. O i o loo tau mai ai o le silasila a faiaoga i Aoga Amata, e leo se galuega tumau ma e leai se faamoemoega e amanaia aloaia. E leai se lumanai mo auaunaga mautu, leaga totogi, e le tauoloa, le lava aoaoga ma avanoa mo le faalauteleina o tomai ma agavaa mo faiaoga.

Peitai, o loo maitauina le maimau atu o le tele o faiaoga ua o i galuega faavaitaimi. Ua leva tele lenei tulaga i le maualalo o le auai atu o fanau i Aoga Amata. Faaopoopo atu loa iai ma le maualalo o le faatāuaina, maualalo o le tulaga o lea ituaiga galuega, utiuti paketi faaagaga e faatino ai, leai se lumanai mautu o le galue ai faafiaoga, ma le leai oni vaegatupe o faaagaga mo le faaagavaaina ma atinae tomai o faiaoga.

A fia sui le taunuuga o le tatou tala, ua matuā tataua ia Samoa ona faia ni galuega ma faalauiloa talafeagai e siitia ai avanoa mo le aotauina o faiaoga ma tagata galulue i auaunaga e tapu'eina le olaga amata o fanau, ma faamalosi itupa o afio'aga o loo auai i ia auaunaga, ia siitia o latou agavaa ma le malamalama i le tāua o tiute ma matafaioi a i latou ua tausia fanau e le gata i auaunaga mo aoga amata, ae faapea foi i le tausiga o fanau i totonu o aiga ma nuu ina ia fua mai ni taunuuga lelei ma ni auaunga faatuatuaina mo le tapu'eina o olaga amata o fanau.



2.6 FA'AMALOSIA O POLOKALAME

O le avea o le Tapu'eina o Olaga Amata o Fanau o se auala e galueaina e itutino uma o le atunuu, e lei talanoaina i se auala talafeagai ma faatuatuaina e Vaega Ma'oti uma faapea faalapotopotoga tuma'oti ma i latou uma e tatau ona aafia ai. O loo tumau pea le faaaogaina o le metotia tuai e faalapotopotoga ma matagaluega o le tali atu taitoatasi ile faatinoga o latou polokalame.


O le ripoti o le uluai sailiiliga na faatino ae lei fausia le fa'atonufoiau, na faamaonia ai le leai oni taunuuga mautu ma ni ripoti i le tulaga o loo taoto ai le tapu'eina o olaga amata o fanau i le vaeveaga o paketi mo tiute ma matafaioi a Matagaluega. O se tu masani i polokalame faapoloketi e faapito tasi ae le faaaogaina fuafuaga o loo matuā manaomia, o le iai o se sisitema e lima taitaiina ai vaega uma e aofia ai le faatupega, o nofoaga e fai ai ma isi vaega uma, e taofia ai galuega e fai pito tasi ma le lelei ai ona faatino auaunaga mo le tapu'eina o olaga amata o fanau ia iai ni taunuuga lelei.

O lenei Fa'atonufoiau ose taumafaiga a Samoa ina ia tuliloa ni auaunaga fai faatasi ina ia mafai ona maua le lagolagosua ma le fesoasosani mo i latou uma o loo ofoina auaunaga mo le tapu'eina o olaga amata o fanau. E manaomia ai le fofo mo a uma ni luitau ma ni faafitauli o iai faalemalo, faa sisitema ma tomai faapitoa – e tatau ona soalaupule e ala ile faatalanoa ma faamasani i manaomiaga mo tagata Samoa e le gata i le aotelega o le atunuu atoa ae faapea foi totonu o afio'aga taitasi.

E faatatau i le tāua o le lava o aoaoga ma faalauiloa i le mataupu amata mai i o tatou taitai ma unaia ai talanoaga i le tāua o le tapu'eina o olaga amata o fanau mo le atinae o le atunuu atoa aemaise le tatau ona iai se Komiti Galue e taitaina galuega uma e mautinoa ai o loo auai Vaega Ma'oti ma faalapotopotoga uma i le faatinoga o lenei galuega.

2.7 LEAI O SE VAEGATUPE FA'AAGAGA MO LE TAPU'EINA O OLAGA AMATA O FANAU

E ese mai polokalame filifilia o le soifua maloloina ma meaai paleni ma A'oa'oga Amata, o le tele o auaunaga mo amataga o le olaga o le tamaitiiti e le faigofie ona iloa i paketi a le malo, ma faigata ai ona mata'ituina ma fuaina ia paketi a le malo o faaalu mo tausaga amata o le olaga. Ua



matuā faaitiitia lava punaoa o loo faaagaaga e Samoa ma ana paaga o loo fesoasoani mai mo le atinae o Samoa mo olaga amata o fanau (0-6 tausaga) pe a faatusatusa i tamaiti matutua. O tupe faaalu mo a’oa’oga amata mai le aofaiga atoa o tupe faaalu mo a’oa’oga, e itiiti ifo ma le 0.04% e faatusatusa i le ripoti o le alualu i luma faaletausaga aupito lata mai i le Fuafuaga a le Vaega Ma’oti mo Aoga 2019-2024.

O le sini fautuaina a le UNICEF o le 10% lea o le aofaiga atoa o le paketi a le vaega o a’oa’oga. Na faamaumauina e le soifua maloloina se tupe faaalu faapena e itiiti ifo ma le .05%. O le a luitauina Samoa e faamaonia le faaaluina moni o le 1% mo le Tapu’eina o Olaga Amata o Fanau mai le GDP. Ua fautuaina mai e le Iloiloga sa uluai faatino le .05% fuafuaina o le GDP.

O le le mauaina o faamatalaga ma fuainumera atoatoa ua faigata ai le fua-fuaina ma le vaeveaga o paketi mo le Tapu’eina o Olaga Amata. E tutusa lava ma le faigata ona faia o se iloiloga moni i vaegatupe o loo faasafua lautele mo le tapu’eina o olaga amata tauala atu i polokalame o loo o tai-toatasi ai lava nisi o faalapotoptotoga e faatino aemaise la o le ripotiina ma paketi faaaogaina.

O eseese o faamuamua a Vaega Ma’oti o loo faaauau pea ona avea ma luitau aua e lei siitiaina e le tulaga o le tapu’eina o olaga amata e avea o le faamuamua i se fua faalemalo; ae ua tatou iloa o le ECD o se mataupu e sili ona tāua i le atinaega o le atunuu. Ua valaauina le malo e iloilo le faiga o le faavasegaga o paketi ina ia maioio le ECD i paketi a le malo.

O le paketi e faavae i manaomiaga o tagata, o se avanoa lea mo le malo e faaleleia atili ai le mautu o le ECD i paketi a le malo. Afai e tatau i le malo o Samoa ona faaleleia taunuuga o le atinaega o fanau, e tatau ona faasolosolo malie ona siitia le tele o ana teugaoa faaagaga i elemeni uma o le fa’atonufoalau mo le tausiga ma le faafaiileleina e tusa ai ma fuafuaga o tupe faaalu a isi vaega.

Afai e sosoo le vala tau faaaogaina o tupe o loo iai nei, o le a faaluaina le pasene o punaoa lautele o le atunuu ua tuuina atu mo le ECD. Atonu foi e i ai se avanoa mo le toe tufatufaina atu o punaoa o loo i ai nei e faamuamua ai tatou faamoemoega mo le ECD.

O le lagolago a paaga mo le atinae o le a manaomia foi pe a fuafua i le faatapulaa o le avanoa mo fesoasoani tau tupe o loo i ai nei. O faalapoto-potoga o mea tautupe faavaomalo, aemaise lava le IMF ma le Faletupe a le Lalolagi, atonu e tatau ona talosagaina e siitia a latou foai ma la latou lagolago i mea tautupe mo Samoa.

2.8 ECD I FA'ALAVELAVE FA'AFUASEI, E AOFIA AI SUIGA O LE TAU MA LE FA'ALEAGAINA O LE SIOSI-OMAGA

Talu ai ona o le tulaga e motu ese mai lava motu o le Pasefika mai le lalolagi, e matuā lamatia ai fanau iti a le Pasefika i le tele o aafiaga o le tau e pei o afa, lologa, la ma le vela tele E tele atunuu ma atumotu o le Pasefika e maualalo lona laueleele ma e matuā maaleale lo latou siosiomaga mai i le tafieseā o le talafatai i le sami, siisii o le maualuga o le sami, ma o loo aafia uma lava i suiga o le siosiomaga ma mala faalenatura, ma e tele aafiaga o nei mea uma I le ausia o taunuuga e faatatau i le mata'ituina o aia tatau a tamaiti ma tamaitai (UNICEF Pacific, 2017).

I a Novema 2019, na faalauiloa ai e Samoa lana uluai Folafolaga i le iai o Samoa i se Tulaga o Faalavelave Faafuasei e aafia ai le Soifua Maloloina o tagata uma (SOE) ina ua mavae ai le pipisi tele o le misela. E ono (6) vaiaso na faatino ai ma na tele se aafiaga i le faitau aofai o tagata ma le faaauauina o le tausiga faalesoifua maloloina. E 5,700 tagata na maua i le misela ma le 83 na maliliu ona o le misela, o le toatele lava o i latou o tamaiti e i lalo ifo o le 5 tausaga. O lea faama'i na aumaia ai foi i le malamalama le manaomia o le iai o sisitema, lava meafaigaluega, ma gafatia e tagata faigaluega ina ia mafai ai ona tali atu ma le atoatoa i manaoga patino o a tatou fanau ma aiga i taimi o faalavelave faafuasei.

I tausaga amata o le olaga o fanau, i le matuai saosaoa o le faiai o le tamaititi, o le taimi matuai maaaleale foi lea o lona faiai i tulaga tau faalavelave faafuasei ma e ogaoga aafiaga pe a le nofouta iai i latou o nafa ma le tausiga o fanau. O fanau iti e molimauina faafitauli ma faigata a o laiti, e au ina maua i aafiaga ole atuatuvaale faaumiumi a o pepe, ma e aafia gofie ai lona tuputupu ae i faafitauli tau i le mafaufau, amioga, ma lagona, e mafai ona i ai na aafiaga e le masani ai ma faaumiumi seia o'o ina avea ma tagata matua.

Ua iai i Samoa le Ofisa o le Pulega o Faalavelave Faafuasei ma Auaunaga tali atu mo faalavelave faafuasei. Ua toe lava o le faamautinoa o loo iai i totonu ma fuafuaga mo le tapu'eina o olaga amata o fanau ina ia amanaia o latou leo i itu e aafia ai o latou olaga i le taimi nei ma le lumanai, e pei o suiga o le siosiomaga ma faalavelave faalenatura ma ia faaoga ai tali ma fuafuaga ua taoto i le Fa'atonufofou mo le ECD.

O le faaogaina o Vaegatupe Tetele mo puipuiga mai suiga o le Tau, e pei o le Green Climate Fund, e na te matuā siitia ai le tulaga o le faatinoga o galuega mo le tapu'eina o olaga amata o fanau aua o le a ausia uma ai taunuuga moomia ma faateleina ai tupe mama e faasaoina mai o loo faaaluina mo agafesootai ma le atinaega o le tamaoiga.



03. VA'AIGA TAULA'I MA TULAFONO TA'IALA

"O le tagata ma lona aiga, o le tagata ma lona fa'asinomaga"

3.1 O MATAUPU FA'AVAE MA TULAGA FA'ATĀUAINA O LE FA'ASAMOA

Alofa (love) | fa'aaloalo (respect and dignity) | tautua (service and responsibility) | usita'i (obedience) | va fealoa'i or va tapuia (sacred relationships between people) | fetausia'i (caring for each other) | puipuiga (protection) | malu i fale (if you are not safe at home, then you are safe in other places) | malu i fanua (being protected within your community or land) | tausi fanau (caring responsibility for children) | tausi aiga (caring responsibility for the family) | tausi matua (caring responsibility for parents) | tausi nuu (caring responsibility for the village community) | soalaupule (consensus requiring consultation and participation) | tofa fetala'i (wisdom is knowledge sharing and shared understanding) | amiotonu (honesty - doing the right thing) | fa'asinomaga (identity-where you belong).

3.2 O MATAUPU FA'AVAE O TULAGA FA'ATĀUAINA FA'A KERISIANO

O le malamalamaaga faapea o tagata soifua ua foafoaina i le faatusa o le Atua, e tĀua tele, e fesoasoani e mamanu ai le uiga o le avea ma tagatanuu faatuatua ina lea tatou te matuā manaomia lava i se atunuu. Ua foafoaina le ola e le Atua silisili ese, ma e faatāuaina e lo tatou Atua ola o e na ia foafoaina, i le vaaiga faa - Kerisiano, e alofa o ia iā i tatou, o lona uiga e tĀua. O a'oa'oga faa - Kerisiano e faavaeina ai se tuufaatasiga faapitoa o le faatuatua ile Atua ma le a'oa'oina. E galulue faatasi o se ta'iala o amioga mama, mamanuina o faatinoga ma fegalegaleaiga a tamaiti, ma atiinaae se lagona o le tiute tauave ma le agaalofoa i isi. O tulaga faatāuaina faa - Kerisiano e faamamafa ai le tĀua o le olaina faatasi e nuu. .

O nei tomai e tĀua mo lo latou tuputupu ae faaagafesootai, e fesoasoani ia i latou i le fausiaina o mataupu faavae mautu ma tulaga faatāuaina o sootaga o mataupu faavae ma le iloaina o le tua o taumafaiga tuufaatasi agai i faamoemoega autu. O nuu e malosi le faatuatua faaleagaga e sili atu ona lagolagoina le tapu'eina o olaga amata o fanau ina ia iloa tali atu i faafitauli. Pe a maua tamaiti i le atuatuvaile ma feagai ma faigata, latou te manuia mai le talitonu i se mana e puipuia ai; e aumaia ai ia i latou le faamoemoe o le a lelei mea uma.



O le amiotonu, faamaoni, ma le fai mea sa’o ua fausia ai le fatu o tali-tonuga faa- Kerisiano. A vave ona a’oa’oina e tamaiti nei mataupu faavae, e fesoasoani e mamanuina ai aga tausili ma amioga mama lea e limataitaiina ai a latou filifiliga ma amioga a o latou matutua. O le lagonaina o le tāua o le amio sa’o e avea ma se mea tāua i lo latou faasinomaga, e taitaiina ai a latou fegalegaleaiga ma isi ma a latou tali i tulaga eseese o le olaga.

O a'oa'oga faa - Kerisiano e faamamafa ai le agalelei ma le alofa i isi. I le siosiomaga o le tuputupu ae, o nei tulaga faatāuaina e unaia ai tamaiti ia malamalama ma faaaloalo i lagona o isi, ma atiinaae ai le atamai faalemafau. O lenei malamalamaaga e mafai ona fesoasoani i tamaiti e faafoeina lelei ai o latou sootaga, e siitia ai le lotogatasi ma le malamalama i a latou fegalegaleaiga.


O tulaga faatāuaina faa - Kerisiano e faatupuina ai le poto ma le atamai. O le faatupuina o le fiafia e a’oa’o, ua unaia ai tamaiti ina ia fia iloa mea, tuufesili, ma saili ni tali, ma faatupuina ai lo latou atinaega faaleatamai. O lenei fiafia mo le aoaoina e mafai ona unaia ai lo latou faamanuiaina faaleaoaoga ma musuia ai se naunautaiga i le ola malamalama

O tulaga faatāuaina faa - Kerisiano e faalaeiauina ai le auauna atu i isi. O lenei mataupu faavae e mafai ona musuia ai tamaiti e fai saofaga mo le lelei o lo latou nuu, ma atiinaae ai se lagona o le faatino o tiute tauave ma le iloa alofa. O le malamalama i le tāua o le auaunaga, e mafai ai e tamaiti ona avea ma ni tagata e sili atu ona faatuatuaina i agafesootai ma fai ni o latou sao mo le lelei o latou nuu.

O le totoina o mataupu faavae faa-Kerisiano i le olaga amata o le tamaitiiti e lulu ai fatu o le faamoemoega lea e mafai ona fua mai i se olaga e i ai se uiga. O le latou iloa o ia mea ua mamanuina ai i latou ia faamoemoaina ma e faatupuina ai le faaosofiaga e iloa ai a latou taleni ma meaalofa faapitoa. O tamaiti e pulea o latou olaga ua i ai le faamoemoega na tuuina mai e le Atua, ua faamalosia e tulitulimatagauina ma le loto toa sini ma miti. Ua latou malamalama o o latou olaga o ni ave feau mo le faamalamalamaina atili o le lalolagi e ala i le auauna atu i isi.

3.3 O MATAUPU FA'AVAE O LE TAUSIGA FA'AMĀTUA LELEI MA LE FA'AMALOSIA O LE ĀIGA

Ua i ai i mātua ma le aiga le tiute tauave autu mo le tausiga o fanau, o lo latou puipuiga, ma le atinaega. O popolega e uiga i le tausiga ma le puipuiga o fanau e mafai ona faatino e ala i le tuuina atu o le lagolago i mātua /tausiga o le tamaitiiti e taulima ai faafitauli ma faamalosia ai lo latou gafatia e tausiga lelei ai le fanau, ma faaitiitia ai le aveesea o fanau mai o latou aiga ma nuu.



O fuafuaaga e tali atu ai i fanau o loo manaomia le tausiga ma le puipuiga ua faia ma le mataalia ina ia lagolagoina e lona aiga lautele, nuu, ma le ekalesia ina ia lagolagoina le tamaitiiti ma le aiga. O lenei lagolago e aofia ai le lagolago a le ekalesia, Fono a matai, komiti a tina, sui o le malo i nuu, ma isi faalapotopotoga e faavae i nuu, vaega, ma tagata taitoatasi.

"A o gauai atu i le taitaiga alofa a o latou mātua, o loo a'oa'o foi fanau e gauai atu i le taitaiga agalelei a le Atua lava la." - James Dobson (1978)

"Tau mai ia te au o le a toe galo ia te au, a'oa'o mai au ma atonu ou te manatua, faaosofia ai au ma ou a'oa'oina." - Benjamin Franklin

"O le tasi o se augatupulaga o ni mātua alolofa tele, o le a suia le faiai o le isi augatupulaga, o le lalolagi atoa lava lena." - Charles Raison, M.D.

"Ia e ava i lou tamā ma lou tinā, ina ia faalevaleva ai ou aso i le nuu o le a foaina mai e le Alii lou Atua ia te oe." - Esoto 20:12. Na faia e le Atua tagata taitoatasi ia faapitoa ma tulaga ese mai i seisi lava tagata. Ua faamanatu atu e lenei fuaiupu i mātua, o la latou galuega faapitoa le tausia ma le alofa i a latou fanau aua o i latou o ni foafoaga ofoofogia.

3.4 O MATAUPU FA'AVAE O LE FA'AFaILELEINA

O le faafaileleina e faatatau i le tausiga ma le amanaia o le tamaitiiti a o latou tuputupu ae ma atiinaae. E fesoasoani lea ia i latou ina ia maua ai le malosi lagona ma le mafaufau. O le faafaileleina ua faamamafaina ai le tāua o siosiomaga faaagafesootai aua e faatatau tonu i tagata o loo siomia ai se tamaitiiti. O le faafaileleina e faatatau uma lava i mea e fesuisuia i o tatou siosiomaga ma le aafiaga o le tagata, e aofia ai o tatou aafiaga i le olaga amata o le tamaitiiti, le auala na tatou ola ae ai, o o tatou sootaga ma aganuu o loo siomia ai i tatou.

E le gata i lea, o le faafaileleina e tāua foi i o tatou tomai faalelamafaufau faaagafesootai, soifua manuia, ma amioga. E tāua lenei mea aua ua faalia ai o tamaitiiti ma tagata talavou o e ua lelei le amataga o le olaga e tele o latou taunuuga lelei nai lo i latou o loo misi pe faalavelaveina i le amataga vaega tāua o latou olaga amata

"O se manatu matagofie e faatusaina pei lava o se pepe i le manava o se tina. E tatau ona e aumaia i fafo i le lalolagi, faafailele, fafaga, tausii ia ola, seia lava lona matua e tausii ai o ia lava. Afai e na o o se manatu e aliaa ane ia te oe ae leai se faatinoga, e tutusa lava ma le leai." - Manoj Arora

"I le tausii o isi, ua tatou tausii moni ai lava i tatou lava, aua tatou te fetausii uma lava le tasi ma le isi i le faatoaga o le loto." - Laurence Overmire

"O sootaga tatou te fausia ma faafaileleina o le faavae lea o le ausiaina."

- Jeffrey G. Duarte

"O tamaiti e faafaileleina i le agalelei e a'oa'oina ile t̄aua o le malamalama. O tamaiti ua a'oa'oina ia ola tutoatasi, ia faaaloalo i isi, ia faat̄auaina a'oa'oga ma ia atiinaae le olaga nai lo le faaleagaina, o le a avea ma tagata matutua e mafai ona taitaiina i tatou i se lumanai e sili atu ona susulu. Aua (e pei ona matauina e Karl Menninger) o le mea ua faia i tamaiti, o le a latou faia i le lalolagi." - Steve Goodier

"E toetoe lava o faafitauli uma o amioga faaletagata e mafua mai i lo tatou toilalo e faamautinoa o loo ola tagata i siosiomaga e faafaileleina ai lo latou soifua manuia." - Anthony Biglan, O le Aafiaga o le Faafaileleina: O Le Auala e Mafai ai e le Saienisi o Amioga Faaletagata ona Faaleleia o Tatou Olaga ma Lo Tatou Lalolagi.

3.5 O MATAUPU FA'AVAE O TIUTE TAU'AVE TU'UFA'ATASI MA SE FAIGA E FA'AVAE I LE SAO O NU'U I LE TAUSIGA MA LE PUIPUIGA O FANAU

E t̄aua le sao o nuu mo le faafaileleina o fanau e le maluelue i soo se faafitauli o le olaga. E latou te maua ai le mafanafana, saogalemu, ma faaosofia lagona o le amanaia i se vaega o tagata ua peiseai o se aiga lautele. O le tiute tauave tuufaatasi o m̄tua ma tagata matutua o aiga ma nuu lautele (e aofia ai faalapotopotoga a le ekalesia ma nuu) le faafaileleina, a'oa'oina ma puipuia o fanau faapea foi ma le faamautinoaina o le soifua maloloina ma le soifua manuia o tamaiti e usitaia tulaga fa'atonuina o le soifua maloloina ma a'oa'oga a le atunuu ua faatulagaina e le malo.

O soo se faiga o le puipuiga o tamaiti o loo i ai nei o le a fausia i luga o malosiaga, malamalama ma avanoa o loo i ai i totonu o le nuu i le lotoifale. O Fono a matai, Taitai o nuu, ekalesia, ma isi faapotopotoga (tamaitai, autalavou, FBOs ma NGOs) e maua ai se siosiomaga t̄aua o le saogalemu faaagafesootai mo tamaiti ma aiga o loo feagai ma faigata ma ua faatino ai matafaioi t̄aua e faia mo le puipiga o fanau.

O sisitema ua fausia mo le puipuiga o tamaiti a Samoa e faavae ile alofa o nuu i o latou lava tagata, aua o le faiga lenei e sili ona aoga ma t̄aua mo Samoa. O le vaiga taulai mo le faatinoga o auaunaga e puipuia ma tausia ai le fanau, e taulai lea i le puipuiga, ma ia vave faasalaveia lamatiaga o aafia ai aiga ma tali atu i vevesiga, sauaga, faatamala i le tausiga, ma le faatautala i tamaiti; e i ai aiaiga faavae, polokalame ma auaunaga lautele e taulai i le faalauiloina ma le faamamafaina o matafaioi ma tiute tauave o aiga ma nuu mo le tausiga o fanau ma lo latou puipuiga.



O le a matuā lagolagoina e le polokalame mo puipuiga ma le tausiga o fanau ia nuu ma aiga ina ia siitia le tulaga maualalo o taunuuga manaomia, ma faasoa atu i tagatanuu i taumafaiga talafeagai mo le puipuiga ma gaioiga faatino taugofie e faaleleia ai le tulaga saogalemu ma le soifua manuia o fanau. O tagata galulue uma (tagata taitoatasi, faalapotopotoga, ma isi) mo le tausiga o fanau ma le puipuiga e i ai lo latou sao tāua e faia i le faamautinoaina o le saogalemu ma le soifua manuia o fanau. O na matafaioi e tatau ona faaauau pea ona lagolagoina, faalauiloaina, ma faamalosia.

O uluai galuega fesoasoani, e tatau ona faia i le taimi ma tulaga faigata o mātua ma aiga ma ua iloiloaina o loo iai se tamaitiiti i se tulaga lamatia o lona ola. O le aiga potopoto ma le nuu e vavalalata le mafutaga e sili ona fesoasoani i mātua pe afai o loo latou feagai ma ni faigata e faamautinoa ai le saogalemu, tausiga, puipuiga, ma le soifua manuia o le fanau.


3.6 O MATAUPU FA'AVAE O LE AMANA'IAINA O FANAU

O le amanaia ma le aofia ai o fanau iti i soo se vala o le soifuaga e le na o se faiga aoga; a o se aia tatau a tamaiti uma. O le taliaina ma le faafaigofieina o le faaafie o fanau, tatou te fausia ai siosiomaga e faamaualugaina ai le amanaia o le eseese o tagata, faalauiloa ai le agaalofofa ma amanaia lagona o leisi tagata, ma siitia ai avanoa sili mo le atinaega o tamaiti uma.

O faamanuiaga o le amanaia ma le aofia o fanau mai le taimi o latou olaga amata, e matuā o'o i vaipanoa uma o le soifuaga, e maua ai aafiaga lelei o le soifua manuia faalemafaufau o fanau, tomai faaagafesootai, ausia atamai faalea'oa'oga, ma le soifua manuia mo se taimi umi i le avea ai o tatou ma faiaoga, mātua, ma tagatanuu, o la tatou matafaioi le amanaia ma le aofia o fanau ma fausia se lumanai e mafai ai ona matala ai noataga o agavaa e gafatia e fanau uma.

O le amanaia ma le aofia o fanau i soo se mea i le taimi amata o latou olaga, e manaomia ai le galulue faatasi ma le lagolago a faiaoga ma mātua. O le galulue faatasi, e mafai ai ona latou fatuina se siosiomaga e faafaileleina ai fanau e talia gofie ma faafaigofie ai le amanaia ma le aofia ai o tamaiti uma. O faiaoga ma mātua e nafa ma le faamautinoaina, e lagonaina e fanau uma lo latou faatāuaina, faaaloologia, ma amanaia i mea uma i le faagasologa o lo latou a'oa'oina. O le malamalama ma le faatinoaina o fuafuaga e faalauiloa ai le amanaia ma le aofia o fanau e mafai ona fausia ai ni aafiaga lelei faatamao'aigaina i le itu faalea'oa'oga mo fanau uma.

O le amanaia ma le aofia o fanau e faatatau i le auai o tamaiti e eseese tomai i se siosiomaga e tasi e a'oa'o ai. E faamautinoa ai e tutusa le mau-



aina e tamaiti uma o a'oa'oga, punaoa, ma avanoa mo le tuputupu ae ma le atinaega. E le gata i lea, o le faaaofia ai o fanau i fafo atu o le potua'oga, e maua e aofia uma ai aiga, faia'oga, ma tagata o le nuu o loo galulue faatasi e fatu se siosiomaga e mafai ai e tamaiti taitasi ona uluola.


O le faaaofia ai o fanau iti e taulai i le fausia o siosiomaga e olaina lo latou faatāuaina, ma faamanatu ai le eseese o tomai ma eseese o tamaiti taitasi. O le faaaofia o fanau e faatupuina ai le agaalofa, malamalama, ma le taliaina o eseese taitoatasi mo fanau I lo latou tuputupu ae. E latou te maua ai lesona aoga i le eseese o tagata, fetuunaiga, ma le tāua o le faaaofia o i latou i totonu o latou siosiomaga. A tuputupu ae tamaiti i siosiomaga e mautinoa le faaaofia ai o i latou, o le a sili atu ona latou faapalepale, ma agaalofa i tagata matutua o e lagolagoina i latou

I totonu o falea'oga, e a'oa'oina tamaiti e fesootai ma galulue faatasi ma isi tagata i isi foi auala eseese o fesootaiga faapea tomai ma agavaa. Latou te atinaeina le agaalofa ma le malamalama, ao latou feagai faatasi ai ma luitau ma saili ni auala e lagolago ai e le tasi le isi. O nei aafiaga ua faataatia ai le faavae mo le fausiaina o nuu malolosi ma le aofia ai i le lumanai. E le gata i lea, o le faaaofia ai o le tamaitiiti e unaia ai se faafaifeau talai o le tuputupu ae, talitonu e mafai ona atiinaae tomai o se tasi e ala i le tuuto ma le galue malosi. O lenei faafaifeau talai e unaia ai le maufetuunai, finafinau, ma se manao e a'oa'o, ma faatuina ai le faavae mo le a'oa'oina i le olaga atoa.

O le faaaofia ai o tamaiti laiti o se manatu faavae lea e faamamafaina ai le tāua o le maua o avanoa e amanaia ai fanau e iai aafiaga tumau o le soifua ise siosiomaga e a'oa'o ai mai lava i le laitiiti. E iloa ai le tāua o le eseese ma faamoemoega e fatu ai se sosaiete e aofia uma ai, fanau ma mafai ai e tamaiti uma ona tupuolaola ma ausia o latou malosi atoatoa e tusa lava po o a o latou tomai.

O se tasi o valoaga autu mo le lumanai o le faaaofia ai o fanau i le olaga amata o le tamaitiiti o le alualu i luma lea o auala faatekinolosi fesoasoani. I le televave ole agai i luma o le faaogaina o le tekinolosi, e mafai ona tatou faamoemoe e faaopopo mai ai nisi meafaigaluega ma masini faaonapo nei o le a atili faaleleia ai le a'oa'oina o tamaiti e i ai aafiaga tumau o le soifua. O nei mea lelei mo le agai i luma o le a maua ai le sootaga i le va o tamaiti e i ai aafiaga tumau o le soifua ma a latou tupulaga masani, e mautinoa ai le mauaina tutusa o avanoa faalea'oa'oga.

"Ua o'o i le taimi mo mātua e a'oa'o vave ai tupulaga talavou, o loo iai le matagofie ma le malosiga I le amanaia o le eseese o tomai ma agavaa o tagata taitoatasi." - Maya Angelou



"O le faaaofia ai o fanau e le o se mataupu e faatatau i le sa'o atoatoa o mataupu faaupufai. O le ki lea i le tuputupu ae." - Jesse Jackson, Civil Rights Activist

3.7 O MATAUPU FA'AVAE E FA'ATATAU I NI FA'ATINOGA E FA'AVAE I 'AIĀ TATAU

O le puipuia o aia tatau faatagata soifua a tagata o se vaega autu lea o lenei taumafaiga, e pei ona faamaonia i lalo o la tatou Faavae; faapea foi ma Fonotaga Faavaomalo mo Aia Tatau a Tagata, faatasi ai ma le Feagaiga Faavaomalo mo Faamanuiaga Faavae a Fanau (CRC) ma le Feagaiga Faavaomalo mo Aia Tatau a Tagata e i ai Aafiaga Tumau ole Soifua (CRPD).

E tofu tamaiti uma ma le aia tatau i le ola ai, tuputupu ae, atinaega, puipuiga, ma le auai, ma ia ausia le atoatoa o mea na te gafatia. Mo le faamuamua o mea e aupito sili ona lelei mo le tamaitiiti, e tatau ona fuafua faiga faavae ma polokalame uma mo aiga ma fanau iti ma le faamoemoe e ausia ai mea e sili ona lelei mo le tamaitiiti.

O le aia tatau a fanau i le olaga faaleaiga o se aia tatau faavae. Ua faataoto le faavae e tulafono faavaomalo e ala i le amanaia ma faatāua o aia tatau a fanau e avea ai le aiga, "o le nofoaga autu ma le siosiomaga faalenatura aupito sili mo le tuputupu ae ma le manuia o ona tagata uma aemaise lava fanau", ma e manaomia e fanau le tausiga faapitoa ma le amanaia o lo latou atinae.

E leai se tamaitiiti e tatau ona le amanaia, aafia i faiga faailogalanu, pe sauaina ona o lona tulaga faaletamaoiga, tulaga faalesoifua maloloina ma/po o sona aafiaga tumau o le soifua. E tatau ona auai malosi fanau i fuafuaga mo lo latou lava atinaega ma mafai ona ofi i ia fuafuaga ni o latou manatu tāua.

E tatau ona silasila totoa i agavaa o le tamaitiiti o loo fesuisui, ia avea ose vaega autu mo le faailoina ma le mamanuina o avanoa mo le auai o fanau. O polokalame ma le atinaega o faiga faavae mo le atinaega o le tamaitiiti e tatau ona iai aia tatau poo faamanuaga faavae a fanau

04. SINI AUTU MA TAUNUUGA MOOMIA MA GALUEGA FAATINO

IA FA'AMAUTINOAINA LE MALOLOINA LELEI O TAMAITI PE A FANANAU MAI, IA MALOLOSIMA LAGOLAGOINA, INA IA LATOU TUPUTUPU A'E MA OLA LELEI

Siitia, ma ia tutusa avanoa e mauaina ai auaunaga tau soifua maloloina, taumafa paleni, aiga fuafuaina ma le soifua fanau tama manuia e faavae i faamaumauga ua faamaonia, mo fanau i lalo o le 6 tausaga le matutua, o teine talavou, tina ma'ito ma fafine o loo faasusu a latou pepe ma le faamamafa ia lelei ona tapu'e le uluai 1000 aso o le olaga o le tamaititi.

TAUNU'UGA AUTU 4.1

VAEGA E FA'AMUAMUA MO GALUEGA FA'ATINO

- 4.1.1. Siitia ma faateleina avanoa mo asiasiga i falemai i le vaitaimi ao lei fananau fanau ma le vataimi ole maea ai o le fananau mai ma ia lagolagoina nuu mo le tausiga lelei o pepe ma fai tui puipui ma fautuaina tamaitai e faatatau i le tausiga o le tagata lava ia mo le soifua maloloina, tuputupu'ae ma le atinaega o le oalga amata.
- 4.1.2. Lagolagoina o pepe, tuputupu ae, ma le a'oa'oina.
- 4.1.3. Lagolago mo le vave faamautuina ma le faaauauina o le faasusuina o pepe e o'atu i le 24 masina.
- 4.1.4. Faaleleia le saogalemu o meaai ma le mauaina o meaai paleni i aiga e i ai tamaitai ma'ito, pepe, ma tamaiti laiti e ala i le faalauiloaina ma le lagolago mo togalaauaina fua, o le laueleele ma polokalame o le atinaega o tamaiti ma se faamamafa i le faatupu-laia o faatoaga ia maua le t'au ole taumafa ma meaai e maua mai i manu i le lotoifale mo le faaogaina e le tagata lava ia.
- 4.1.5. Faateleina le gafatia o itu e maua ai meaai paleni ua faafouina ma sauniuniga mo le saogalemu o meaai mo faalavelave faafuasei ma fuafuaga e tali atu ai.
- 4.1.6. Unaia le siitia o le faamamafa mo le saogalemu o vai inu
- 4.1.7. Siitia le malamalama, a'oa'oga mo tomaiti ma agavaa ma le lagolagoina o aiga, faatasi ai ma le faamamafa faapitoa i aiga vaivai, ia faat'au ma faaoga faiga talafeagai mo le tumama lautele, e aofia ai le fufuluina o lima i le fasimoli.
- 4.1.8. Faaofia ai feau t'au o le "Faataeele mama o Pepe" i a'oa'oga mo taumafa paleni ma a'oa'oga mo le tapu'eina o olaga amata.



IA MAUTINOA O LO'O LAGOLAGOINA A TATOU FANAU E FA'ATULAGA NI FESO'OTA'IGA MALOLOSI MA LE AGANU'U, FA'AKERISIANO, MA GAGANA

TAUNU'UGA AUTU 4.2

Ia atiinaae e a tatou fanau ni faasinomaga malolosi, le maluelue, ma le mitamita i le aganuu ma le faakerisiano i o latou tausaga amata; ma ia lagolagoina e faatumauiina ai fesootaiga anoa i la latou gagana, aiga, ma nuu.

VAEGA E FA'AMUAMUA MO GALUEGA FA'ATINO

- 4.2.1. Iai se faigapaaga ma aiga ma nuu e lagolagoina A'oga Amata ma auunaga mo le tausiga o fanau e fausia ai lo latou lagona o le mitamita i lo latou faasinomaga.
- 4.2.2. Faamalosi fesootaiga faaleaganuu, ola faalefaatua ma gagana e fesootai ai ma aiga, tagata matutua, faalapotopotoga faalelotu ma faalapotopotoga tuma'oti.
- 4.2.3. Faateleina fesootaiga faaleaganuu ma gagana i polokalame mo le tapu'eina o olaga amata ma taumafaiga uma a le ECD.
- 4.2.4. Lagolago ma faamuamua le tāua o sootaga malolosi ma anoa ma aiga, faatuatua, ma aganuu.
- 4.2.5. Siitia faalauiloa ole aganuu, faakerisiano, ma le gagana ua amanaia o ni vaega lagolago mo le puipuiga o le saogalemu, soifua maloloina, soifua manuia, ma le atinaega o fanau.
- 4.2.6. Siitia le silafia ma le gafatia ona malamalama le faasinomaga lelei, faaleaganuu ma sootaga i tausaga amata o le olaga, e tapena ai fanau mo le manuia i le olaga atoa, ma avefa'ofa'ofa matafaioi autu i a'oa'oga, soifua maloloina, soifua maloloina faalemafau, puipuiga o fanau, ma le faamasinoga tonu mo le autalavou ma tagata matutua.

IA MAUTINOA E OLA A'E A TATOU FANAU I AIGA SAOGALEMU E FA'AFaILELEINA MA LAGOLAGOINA E MĀTUA, AIGA MA NU'U

TAUNU'UGA AUTU 4.3

E tausia ma lagolagoina a tatou fanau e aiga ma nuu malolosi; e saogalemu, puipuia ma e mafai ona maua auunaga lagolago pe a manaomia.

VAEGA E FA'AMUAMUA MO GALUEGA FA'ATINO

- 4.3.1. Lagolago i nuu e ta'imua i galuega tau le puipuiga, galuega faalevefau ma taumafaiga e lagolago ai fanau ma aiga e tuuina atu ai

- faamanuiaga faagafesootai ma le tamaoaiga mo se taimi umi.
- 4.3.2. Faaleleia atili le auai, ma faamalosia tiute tauave o aiga ma nuu i le faatinoga o polokalame e tapu'e ai olaga amata o le fanau.
 - 4.3.3. Lagolago ma faateleina taumafaiga a le malo, faalapotopotoga tuma'oti, ma itumalo e maua ai avanoa mo tupe maua ma faaleleia ai taunuuga o galuega, a'oga, ma a'oa'oga ina ia mafai ai e aiga ona gafatia mea autu faaletino e manaomia, meaai paleni, aiga saogalemu, ma le soifua manuia.
 - 4.3.4. Uunaia ma faaaoga faiga lelei i totonu o aiga e pei o talitonuga ma faiga masani ina ia faaaoga i totonu o fuafuaga faaitumalo.
 - 4.3.5. Lagolago nuu i le faailoaina o siamupini i le lotoifale o e e mafai ona tauaveina le tausiga faafailele ma avea ma faataitaiga o suiga i o latou nuu.
 - 4.3.6. Galulue faatasi ma soo se ala o faasalalauga mo le fuafuaina ma le mamanuina o fuafuaga mo faalauiloa e faamaualugaina ai nuu ma aiga i le faafaileleina lelei o fanau.
 - 4.3.7. Fai se fuafuaga ia iai ni faamanuiaga tauala atu i fuafuaga mo le atinae o itumalo mo le faaaauuina o auaunaga i nuu i tua mo le atinaega o fanau ma le tausiga ina ia lelei ona faafailele, ia saogalemu, soifua maloloina ma taumafa i meaai paleni.
 - 4.3.8. Faamalosia ma lagolagoina tulaga o nuu mo le tausiga ma faafaileleina o fanau. E aofia ai faalapotopotoga faalelotu, Sui o le Nu'u, STN, Fono Faavae, tagata faigaluega faalesoifua maloloina i nuu, taulasea, faatosaga, komiti a tamaitai, komiti a le autalavou, komiti o a'oga ma faalapotopotoga a Mātua.
 - 4.3.9. Faaaofia ai taitai o Fono Faavae ma Nuu i le fuafuaina, paketiina, faatinoina, ma le mata'ituina o gaioioiga ma fatuina se siosiomaga o le tali atu mo taunuuga o le ECD.

IA MAUTINOA LE MAUAINA O AVANOA TUTUSA I 'AU'AUNAGA MO LE TAUSIGA O FANAU MA LO LATOU A'OA'OINA INA IA SAOGALEMŪ, TAUGOFIE, MA LELEI MO TAMAITI UMA E I LALO IFO O LE 6 TAUSAGA

Faateleina le aofai o a tatou fanau e mauaina avanoa e lesitala ai i, A'oga Amata o loo ua usitaia tuutuuga o le saogalemu, tulaga manaomia o le soifua maloloina ma fa'afetaia'ia manaoga faalea'oa'oga ma le tausiga o fanau taitasi.

Ua faatulagaina lelei ma fuafuaina ma faamaopoopoina le ECD ia iai matafaioi tāua ma sootaga e iloa ai le tāua o se fatonufolau e avea ma ta'iala e siitiaina le faatāuina o le tapu'eina o olaga amata o le fanau i soo se vaipanoa o auaunaga faalemalo.

TAUNU'UGA AUTU

4.4

VAEGA E FA'AMUAMUA MO GALUEGA FA'ATINO

- 4.4.1. Ua mamanuina se polokalame mo le faamauina o faamatalaga atoatoa e aoina mai ma teuina ai lesitala, ma mea ua ausia i auaunaga uma a le ECE ma auaunaga eseese I le tausiga o fanau, ma e aofia ai se faagasologa faifai pea o sailiiliga ma iloiloga, malamalamaaga, a'oa'oga fou, ma suiga i le faatinoga lea e faamauitinoa ai auaunaga sili atu ma le aoaoina sili atu mo a tatou fanau.
- 4.4.2. Siitia le tulaga o le faagasologa o le lesitalaina o A'oga Amata e ala i tulaga fa'atonuina o loo i ai nei o le MSS (Tapulaa Moomia o Auaunaga mo Aoga) ma se ata faataitai o auaunaga e taulima ai mea o loo misi ma faafitauli, taulimaina o mafuaaga e to'a ai lesitala ma tuuina atu fautuaga o le faagasologa o le lesitalaga i lea laasaga ma lea laasaga, faapea ai foi ma le fesoasoani i ofisa atu o le ECE e lei lesitalaina.
- 4.4.3. Faateleina ma faamalositia auaunaga a le ECE ina ia limataitaiina e ala i faiga sili ona lelei, e amanaia ai le faaleaganuu ma auai lelei ai fanau, mātua, aiga, ma nuu.
- 4.4.4. Taulai le faamuamua i le fausiaina ma le faamalositia o faigapaaga a nuu ma auaunaga a le ECD e unaia ai mātua ma aiga ina ia lagolagoina ma le mataalia galuega uma a le ECE mo a latou fanau
- 4.4.5. Siitia le avanoa e faafaigofie ai lesitala e aofia ai a'oa'oga sauoo e faateleina ai le aofai o fanau e a'oa'oina I aoga amata ae lei o'atu I tulagalua.
- 4.4.6. Siitia le faamamaluina ona faaoga o le Fa'atonufofua mo A'oga Sauoo
- 4.4.7. Siitia le tuuina atu o fesoasoani mo auaunaga o le atinaega mo fanau e le o lelei ona faatino ia mautinoa ai le aofia o le atunuu atoa ma ia tutusa le faaogaina ma faamalositia o le tulafono lea e faamalositia ai tamaiti uma e 4 tausaga le matutua e lesitala ma a'oo'ga I A'oga Amata.
- 4.4.8. Faaaofia ai a fonofono a Fonofono Faavae ma nuu e fautuaina ma mata'ituina le auai o fanau I A'oga Amata e tusa ai ma tulafono o loo i ai nei.
- 4.4.9. Lagolago le siitia i totonu o lotoifale ma nuu o polokalame lagolago mo mātua ma mataifai o tagata e tausaga fanau, e aofia ai a'oa'oga a mātua ma e o loo tausaga le fanau lea e fesoasoani e saunia ai fanau e ulufale atu i a'oa'oga sauoo.
- 4.4.10. Fausia se auala mo le tapu'eina o olaga amata e aofia uma ai paaga e aafia I galuega faa ECD i totonu o le malo. O leni auala ua faamaonia e mafai ona maua ai se malilie autasi ma atinae ai se faavae malosi mo le tausiga, vave a'oa'oina, ma le atinaega o fanau.
- 4.4.11. Faatu pe fausia se Komiti Galue ma se Komiti Autu a le malo mo A'oa'oga tau I le tapu'eina o olaga amata o le fanau.
- 4.4.12. Galulue ma Minisitā ole Kapeneta ma Sui Faipule o le Palemene mo lo latou silafia ma la latou faailoa ina ia faamuamua le tapu'eina o olaga amata o le fanau I Samoa. O le a fesoasoani leni mea e siitia ai le tulaga faaupufai ma le iloaina e tagata lautele o le tāua faaletulafono ma le tuputupu ae o le atinaega o le fanau.
- 4.4.13. Faaoga Fonofono a nuu ma fuafuaga mo atinae o Itumalo e faatautaia ai le fuafuaina, faatinoga ma le mata'ituina ma le lipotiina mai o mataupu tau tapu'eina o olaga amata o fanau, galuega faatino ma isi lava taumafaiga.

IA MAUTINOA LE IAI O TOMAI MA AGAVA'A O TAGATA FAIGALUEGA MA LAVA PUNA'OA E FA'ATINO AI 'AU'AUNAGA LELEI INA IA GALUEGA FA'ATASI UMA AI ITUTINO O LE MALŌ MO LE TAPU'EINA O OLAGA AMATA O FANAU

E ta'imua ma o le tiute tauave ole malo le faagaioiina ma le vae-vaega o punaoa ia lava tagata faigaluega, mea tautupe ma isi punaoa ina ia mafai ai ona faatinoina faatasi e tagata uma galuega faatino mo le tapu'eina o olaga amataa I Samoa ma silafia ai e tagata uma le tāua o lea faamuamua ma faamanuiga tau atinae e maua ai.

TAUNU'UGA AUTU 4.5

VAEGA E FA'AMUAMUA MO GALUEGA FA'ATINO

- 4.5.1. Saili avanoa mo le faamalosiā ma le faaafua ai o vaega tāua mo le faafaileleina ma le tausiga o fanau i auaunaga ma polokalame o loo i ai nei i vaega e pei o le soifua maloloina, a'oga, atinaega o nuu, puipuiga o fanau ma puipuiga faaagafesootai, faatoaga, ma le siosiomaga.
- 4.5.2. Faatele avanoa mo le a'oa'oga o tomai ma agavaa ina ia faamalosiā ai le afaigaluega o loo i ai nei; ma ituaiga o galuega faatino e faatuuina ma faatupulaia ai le afaigaluega.
- 4.5.3. Faailoa vaega e agai iai galuega mo afaigaluega i auaunaga e tapu'eina olaga amata o fanau ina ia aafia ai faalauiloa mo le soifua maloloina, e aafia ai tagata faigaluega i totonu o le nuu ina ia faatino asiasiga i aiga ma auaunaga lagolago i tua i nuu mo tina ma'ito, ma tina o pepe ma tamaiti laiti e o'o atu i le 2 tausaga le matutua.
- 4.5.4. Faamatalaina o le ECD National Qualification system ma aiaiga e ulufale ai ma filifiliga mo faatinoga i galuega mo le ECD i se tulaga e aafia ai le aloaiaina o tomai autu o le tausiga, le faafaileleina ma tomai ma le poto masani o le atinaega o fanau.
- 4.5.5. Atinae se fuafuaga mo tagata faigaluega e mafai ona fesoasoani ia Samoa e faatoatele ai lana afaigaluega ECD e ala i a'oa'oga pupuu faapitoa ua amanaia e le Vaega o Tusipasi Tauoloa e aafia ai le ECD ma le Fa'atonufofau mo le tausiga ma le faafaileleina o fanau ina ia mafai ai ona tatou faatinoina nisi polokalame totonu ga o nuu.
- 4.5.6. Faaafua ai CSOs e saofaga ai i le faaleleia atili o tomai ma agavaa e lagolago ai le afaigaluega a le ECD.
- 4.5.7. Ia faatino ma amanaia e le Malo le tāua o le faaalu o vaegatupe e lagolago ai le tapu'eina o olaga amata o le fanau ma talitonu o le fesoasoani i le atinae o le atunuu lautele i tupe faasili, siitia ai le faaleleia o le tulaga tau a'oa'oga, siitia ai le atinae o tagata faigal-



uega ma faaleleia atili ai le soifua manuia o le fanau ae silisili ai le faaitiitia o le lē maua o avanoa tutusa ma le mativa.

- 4.5.8. Atinae o se fa’atonufofou mo le faatupeina/vaegatupe.
- 4.5.9. Mamanuina ma le atinae o se fa’atonufofou mo le mata’ituina, iloiloga ma le a’oa’oina o le ECD e fesoasoani ai i le fuaina o le alualu i luma agai i le ausiaina o faamoemoega autu, taunuuga, galuega faatino, ma mea aga e maua mai i le Fa’atonufofou mo le tapu’eina o olaga amata o fanau mo Samoa.


FA'AAOFIA O LE TAPU'EINA O OLAGA AMATA O FANAU MA LE PUIPUIGA O FANAU I TOTONU O MATA'UPU TAU ILE PULEAINA O TULAGA LAMATIA O FA'ALAVELAVE MATUIĀ , TALI ATU MO FA'ALAVELAVE FA'AFUASE'I MA SUIGA O LE TAU IA AOFIA AI VAEGA MA'OTI UMA

TAUNU'UGA AUTU 4.6

Ia amanaia o le tapu’eina o olaga amata o fanau ma le puipuiga o fanau o se mataupu e ave iai le faamuamua ma ia ile totonugalemu o Tulafono ma Faiga faavae e aofia ai faagasologa mo sauniuniga ma le paketiina o fuafuaga mo faalavelave matuia ma le faaitiitia o aafiaga o suiga o le tau.

VAEGA E FA'AMUAMUA MO GALUEGA FA'ATINO

- 4.6.1. Lagolago le atinae ma faiga faavae mo faalavelave matuia ma punaoa mo le fuafuaga mo paaga talafeagai uma ina ia siitia tomai ma faateleina le gafatia e vaega ma’oti mo le faaofiina o le tapu’eina o olaga amata o le fanau i fuafuaga ma tapenaga mo faalavelave matuia.
- 4.6.2. Faalauiloa le mauaina o puipuiga talafeagai mo le puipuiga o fanau, vave galuega faatino ma le tali atu i le faaitiitia o tulaga lamatia o faalavelave matuia ma fuafuaga o sauniuniga i tulaga uma mo le atunuu.
- 4.6.3. Unaia Fuafuaga mo Atinae o Itumalo ia iloa ai vaivaiga ma manao-miaga o le ECD i tulaga o faalavelave matuia ma faamautinoa o loo manatua fanau iti ma o latou mātua i fuafuaga muamua ae lei o’o i le taimi e tulai mai ai ma pe a mavae faalavelave faafuasei.
- 4.6.4. Unaia ma lagolagoina ia fuafuaga uma, o fanau iti ma o latou aiga ia saunia mo faalavelave matuia, e aofia ai ma le silasila ile saogalemu o meaai, auaunaga faalesoifua maloloina, fesoasoani i le itu tau taumafa, puipuiga faagafesootai, vai, tumama ma manaoga faaleaoaoga.

- 
- 4.6.5. Faalauiloa le aoina mai o faamatalaga patino a le ECD i le taimi o le faavasegaga o tulaga lamatia.
 - 4.6.6. Faaaoga le galulue faatasi o vaega ma'oti e faaaofia ai le ECD i sauniuniga mo faalavelave faafuasei e talanoaina ai le soifua maloloina, meaai paleni, 'WASH'[vai mama ma le tumama], a'oga, ma le puipuiga o fanau iti i taimi o faalavelave faafuasei.
 - 4.6.7. Talosagaina le Fesoasoani a le UNICEF i le gaosiga o se iloiloga o le tau-o faamanuiaga o teugatupe i le ECD i Samoa e faailoa ai faataitaiga o le faatupeina i se taimi umi ile lumanai.
 - 4.6.8. Siitia ma lagolagoina faatinoga mo tapenaga i suiga o le tau i tua i nuu ma ia amanaia ai fanau.
 - 4.6.9. Unaia le faamausali o tautinoga i vaegatupe mo le tapenaga i suiga o le tau ina ia faailoa manino ai o suiga o le tau o se aafiaga e oia ai faamanuiaga faavae a fanau iti ma e aupito i aafia ai fafine ma tamaiti.
 - 4.6.10. Faagalueaina Vaegatupe a le lalolagi mo le Siosiomaga lea e faatupeina ai taumafaiga e fetuunai ma faaititia ai suiga o le tau; ma Vaegatupe Faapitoa mo Suiga o le Tau e taulima ai manaoga patino o atunuu amata.
 - 4.6.11. Faaogaina o le Vaegatupe mo le Maufetuunai o le Pasefika. O lenei vaegatupe la le Pasefika e ala mai ile Pasefika mo le Pasefika, na mamauina ma fautuaina mai e taitai o le Pasefika mo tulaga manaomia o le Pasefika. E \$500 miliona le sini faamoemoeina.



05. MATA'ITŪINA, ILOILOINA, TALI ATU MA LE A'OA'OINA

O sisitema talafeagai ma le mataalia mo le mata'ituina o galuega ma le iloiloina, ma fa'atonufoiau mo le a'oa'oina e siaki ai le alualu i luma o le ausia o faamoemoega ma sini autu, aemaise lava pe a faatatau i le faaleleia o tulaga o le mauaina ma le tulaga lelei o auaunaga mo le atinaega o fanau mo pepe ma tamaiti laiti, o se vaega tāua o le tuuina atu o auaunaga ma le faatinoina o galuega mo lenei Fa'atonufoiau mo le tapu'eina o olaga amata o fanau i Samoa. O le Fa'atonufoiau mo le mata'ituina, iloiloina ma le a'oa'oina o le fanau i lona olaga amata, o le a mamauina, atinae, ma aoina mai ai, ma mauaina ai faamatalaga mo lipoti faaletausaga o le alualu i luma, ma le iloaina o le vaega mamao ma le taitaiga autu fuafuaina o le Fa'atonufoiau mo le tapu'eina o olaga amata o fanau i Samoa.

O le faatinoga o le mata'ituina e patino lava i le talaaga o lona faatinoga. O le filifilia o faailoilo o le a faalagolago i galuega faatino ma taumafaiga/gaioioiga o loo faatinoina. O le a mamauina la matou M.E.A.L [Monitoring, Evaluation, Accountability and Learning] ina ia mautinoa ai o galuega faatino ma polokalame faamuamua e fetau ma tulaga faatāuaina, sini, aafiaga, ma faavaa o manatu o paaga eseese, ina ia talafeagai ai le auai i le fa'atonufoiau o fuafuaina a le ECD ia manino ia tatou uma. E tauala atu i le Fa'atonufoiau mo le Tapueina o Olaga Amata o le Fanau, taumafaiga mo le faaleleia atili o le faafaileleina o le atinaega o fanau, o le mea lea o le a vaavaai ai le M.E.A.L. i vaega e lima o le fa'atonufoiau o le Faafaileleina mo faailo e faatatau i ai.

O le faagasologa lelei o le iloiloiga ma le a'oa'oina o nei auala, e fesoasoani i sui o paaga uma ina ia maua ai se malamalamaaga i le tulaga o le atinaega o fanau i soo se taimi, e faasusulu atu ai se malamalama i luitau, ia iai ni faamaoniga; ma fesoasoani e mamauina galuega faatino e taulima ai faafitauli tāua. O le mata'ituina ma le iloiloina lelei e fesoasoani e faailoa ai le auala e tatau ona tulimataia ai auaunaga ma le lagolagoina ia siitia ai faatosina lelei i le faitau aofai o tagata ua tulimataia. E fesoasoani i le siakiina o suiga i le aluga o taimi ma le iloiloina pe o ausia e aiaiga ma galuega faatino ia taunuuga ma faamoemoega ma sini autu. O leisi mea tāua e faailoa mai ai foi faaiuga mo le faatupeina ma vaegatupe faaalua.

06. FA'ATONUFOLAU MO LE FA'ATUPEINA

O le Fa'atonufolau mo le Tapu'eina o Olaga Amata o Fanau i Samoa, ua tuuina mai ai se avanoa tāua e faamaonia ai ni tulaga patino o le faatupeina o polokalame faa lotoifale o se vaega tele o galuega faatino. O le a faailoa ia vaega I se fuafuaga mo le faatupeina amata ile uluai 2 tausaga o galuega faatino mo Vaega ma'oti uma. O le vaevaega o paketi a le ECD o loo i ai nei e le o'o atu i le .1% o le paketi a le atunuu.

O loo misi le tele o sini autu mo le ECD sei vagana ai le Soifua Maloloina ma A'oa'oga; lea e faalagolago tele le faatupeina ona o le lagolago mai o paketi mai fafo. O se tasi o sini autu o le faamalosia lea o le galulue faatasi ole Malo o Samoa ma ana paaga uma mo le atinaega, o loo galulue i tulaga o fuafuaga mo le atunuu faapea itumalo, ina ia ausia ai faamoemoega o le atinaega fefaasoai ma le ogatasi.

E tāua tele lenei mea mo le manino o le faaogaina o punaoa ma taunuu o galuega. O le a mafai ai foi e auaunaga faalemalo ma itumalo ona faamaopoopoina ma le manuia paaga a le ECD ma faamalosia a latou polokalame ma le tuuina atu o auaunaga. Ua mafai nei e itumalo ona paketi lava e latou a latou fuafuaga e pei o Vaega ma'oti o le malo ma e tataua ona latou tapena fuafuaga faaletausaga mo le atinae o itumalo ia ogatusa ma fuafuaga o paketi a le Malo.

E tele luitau o le faamaopoopoina ma le faafetauiga o paketi, ma o nei mea o le a manaomia ona tuuina I totonu i le fuafuaga faatino muamua mo le uluai 2 tausaga. E aofia ai ae e le faatapulaaina i le:

- ✧ Le manino o le faaaluga o tupe mo le ECD.
- ✧ Leai ni Fuafuaga mo le ECD ma galuega faatino mo le atunuu atoa.
- ✧ Faaletonu o le tali atu ma le faiga o lipoti.
- ✧ O faatinoga e fai fuafua i le manaoga o i latou o loo fatupeina polokalame.
- ✧ Le tutusa o le faataatiaga faafaafanua ma le aofia o tagata uma.
- ✧ Faigata i le faatulagaga o le ECD ma faamaumauga mai fafo agai i punaoa faa-lotoifale.
- ✧ O le taape solo o le fuafuaina ma le faatulagaina o paketi ua vaevaeina, o se luitau tāua lea i le tali atu i le tuufaatasia o auaunaga i le faitau aofai o tagata ua tulimataia.

O le taape solo o le fuafuaina ma le faatulagaina o paketi ua vaevaeina, o se luitau tāua lea i le tali atu i le tuufaatasia o auaunaga i le faitau aofai o tagata ua tulimataia.

O le Faatupeina o polokalame mai atunuu ma faalapotopotoga mai fafo e tāua tele i le faaauauina o le faatupega o la tatou fa'atonufofou o le ECD e le gata mo polokalame pupuu ae mo fuafuaga mo se taimi umi. O auala e lagolago ai e aofia ai; Paketi aumai tuusao, Lagolago mo Paketi a Vaega ma'oti, Poloketi, ma polokalame e leo iai ni paketi e faatino ai. I polokalme pupuu, e aoga tele vaegatupe mai fafo I le faamautinoa ai o le lelei ona faataunuuina o auaunaga tau tapu'eina o olaga amata o fanau. O lenei fa'atonufofou, o loo faamatala mai ai mea e faamuamua ma le uluai fuafuaga mo galuega faatino I le uluai 2 tausaga, o le a ta'alaina ai galuega faatino e patino mo le ECD, faaleleia atili o le maopoopoga, ma le faafealofani o le faatupeina e paaga o le atinaega agai i le ECD i Samoa.

O le Mataalia, Fai Mea Tutusa ma le Tali Atu o ni mea e sili ona tāua o soo se faaogaina o tupe. E manaomia ai se tuufaatasiga paleni o le mataalia faatekonolosi ma le mataalia o le vaevaeina. O le mataalia faatekonolosi o le a taulai atu i le mea e faaleleia ai faamatalaga i le tausiga ma le auaunaga a le ECD; ma o le mataalia o le vaevaeina o le a taulai atu i le lelei o taunuuga o auaunaga ua tuuina atu, tufatufaina atu i le faitau aofai o tagata ua faasino tonu iai ma le silasila totoa i auaunaga po o galuega faatino, e siitia ai le faaleleia o taunuuga manaomia.

07. FA'ATINOINA MA LE FA'AMAPOOPOINA

O le fatuina o se siosiomaga e amanaia ai le ECD ma le tausiga ma faa-faaleleina o fanau, e manaomia ai le tele o tagata eseese ma faalapotopotoga eseese e auai ai. O paaga uma e fitoitonu iai nei galuega e manaomia ona auai i le talanoaga. E aofia ai faalapotopotoga mai le tele o vaega eseese o le malo, faapea foi ma faalapotopotoga tuma'oti faalemalo, faalapotopotoga faapolofesa, tagata maualuga le a'oa'oina, paaga galulue ma paaga e faatupeina. O paaga uma e fitoitonu iai nei galuega e aofia ai:

- ✘ Tagata e Tausia fanau ma o latou aiga.
- ✘ O le au fai aiaiga tau faiga faavae ma pule o polokalame i le soifua maloloina, taumafa paleni, a'oga, puipuiga o tamaiti, puipuiga faaagafesootai, mea tautupe, ma isi vaega i le tulaga faalemalo ma le lotoifale.
- ✘ Vaega Ma'oti o Tulafono ma le Faamasinoga Tonu.
- ✘ Vaega Ma'oti o Siosiomaga ma le Puleaina o Faalavelave Faafuasei i le Malo.

- ✧ Vaega Ma'oti o Fefaatauaiga, ma Falegaosimea.
- ✧ Isi Vaega Ma'oti/Ofisa o le Malo.
- ✧ Sui o le Nu'u ma Sui Tamaitai o le Nu'u ma Sui o le Palemene.
- ✧ Fono a Nu'u ma Faalapotopotoga I totonu o Nu'u, ma isi.
- ✧ Ekalesia ma faalapotopotoga faalelotu ma isi.
- ✧ Faalapotopotoga tuma'oti I nuu I tua.
- ✧ Faalapotopotoga tuma'oti ma pisinisi tuma'oti.
- ✧ Paaga mo le atinaega.
- ✧ Fegalegaleaiga faapolofesa.
- ✧ Faalapotopotoga faaleaoaoga, kolisi, ma iunivesite.
- ✧ Faapotopotoga e Faatupeina, i le lalolagi atoa ma le atunuu.
- ✧ Faalapotopotoga tuma'oti e aofia ai faapotopotoga a le malo ma faapotopotoga faaagafesootai.
- ✧ Leitio ma nusipepa i le lotoifale ma isi ala o faasalalauga.
- ✧ Vaega o tulafono i le lotoifale ma le atunuu.
- ✧ Sui o faapotopotoga o loo mauialalo le amanaia.

O le a vaaia e le Komiti Faufautua mo le Vaega Ma'oti mo Atinae o Nu'u ma Afioaga le faatinoga o le Fa'atonufofau mo le Tapu'eina o Olaga Amata o Fanau, polokalame ma le fuafuaina o paketi ma lipoti faaletausaga. O le lagolago faapitoa mo le Komiti Faufautua mo le faatinoina ma le lipotiina mai o Fuafuaga Faatino a le ECD o le a faatautaia e le Taskforce a le ECD.

O le Komiti Faufautua mo le Vaega Ma'oti mo Atinae o Nu'u ma Afioaga a le Malo ma faalapotopotoga uma o loo aofia ai i le faatinoina o le Faavaa o Fuafuaga ma Fuafuaga Faatino a le ECD o le a faamalosi ai sootaga mo le ECD ma le Fono Faaitulagi a le Pasefika ma le Aufono Faaitulagi a le Pasefika mo le ECD (PRC4ECD). O le a filifilia taitai autu o le ECD e fai ma sui o Samoa i Fonotaga a Taitai Faaitulagi (PRC4ECD), ma matauina o le a faia e Samoa lena fonotaga i le 2025.

Ua uma ona suesueina le manatu faavae mo se Komiti Galue ECD ma ua faamaonia e le malo o Samoa lena faatinoga i fonotaga faaitulagi o se faatulagaga e sili ona fiafia i ai e ala ile faamaopoopoga ma le faatinoga e mata'ituina ai le faasologa o Le Faatinoga o le Fa'atonufofau o le ECD. O le komiti galue o le ECD o le a aofia ai sui o galuega talafeagai uma, vaega ma'oti, upega o fesootaiga, faalapotopotoga faalemalo ma ofisa faavaomalo ua ave lo latou taimi mo le faatinoga o le ECD.

O le puleaina atoa o le Fa'atonufofau mo le ECD ua fuafuaina, o le a taitaia e le Mataglauega o Tina ma Tamitai, Atinae o Afio'aga ma Agafesootai, o



le ofisa tutotonu o loo i ai nei mo le mata'ituina o le Feagaiga Fa'avaomalo mo Faamanuiaga Faavae a le Fanau ma isi poloaiga o le tausiga ma le puipuiga o fanau. Ua i ai i le MWCSO le tiute tauave autu mo le taitaiina, faafaigofieina ma le faamaopoopoina o auaunaga ma polokalame mo fanau, aiga, ma le nuu, faapea ai foi ma le faafaigofieina ma le mata'ituina o le atinae ma le faatinoina o le polokalame o le tausiga ma le puipuiga o fanau. O tiute tauave o le MWCSO ma le Vaega Ma'oti mo Atinae o Afio'aga e ta'imua ai le Vaega mo Agafesootai o loo galulue ai nei peitai e le faata-pulaaina a latou galuega i mea nei:

- ✘ Mamanu ma faatino ia fuafuaga ma polokalame talafeagai, faatasi ai ma paaga talafeagai, mo galuega faatino vave i aiga ma fanau o loo maaleale le soifuaga pe lamatia.
- ✘ Faaooina iai o lipoti o tamaiti ua masalomia o loo manaomia le tausiga po o le puipuiga ma le faagasologa o le faafoeina o mataupu e aafia ai fanau.
- ✘ Siitia le saogalemu, soifua maloloina ma le soifua manuia o tamaiti i le galulue faatasi ai ma paaga ma faapotopotoga fesoasoani i totonu o nuu.
- ✘ Faafaigofie le galulue faatasi i auaunaga ma paaga e lagolago ma faamalosi aiga ma faalauiloa le saogalemu o fanau, soifua maloloina, ma le soifua manuia.
- ✘ Faamaopoopo le tusia ma le saunia o ripoti o le ECD ma le tapenaina o soo se sailiiliga mo le ECD.
- ✘ Galulue faatasi ma le Laulau Fa'atonutonu a le Itulagi mo le ECD ma le PRC4ECD.

O le a i ai se Fa'atonu o le ECD i totonu o le MWCSO o lana matafaioi autu lava o le faamaopoopoina lea o le faatinoina o fuafuaga o le Fa'atonu-folau mo le tapu'eina o olaga amata o le fanau, lagolagoina le Matagaluega a Tina ma Tamaitai o le ofisa autu e taulai atu i ai lenei galuega, galulue vavalalata ma le Komiti Galue mo le ECD, ma ripoti ma tali atu i talosaga mai le Komiti Komiti Faufautua mo le Vaega Ma'oti mo Atinae o Nu'u ma Afioaga.

O le a faatautaia e le Fa'atonu mo le ECD ma le MWCSO ia galuega faatino uma. O le a fesoasoani foi e faamautinoa ai o loo faia fonotaga ma gaoioiga ia mafai ai ona faasoa atu polokalame a'oga mo aafiaga o le ECD i o tatou aiga ma nuu. O le a latou galulue faatasi ma Komiti o Fono Faavae, Fono a matai ma Faalapotopotoga a Nu'u ina ia mautinoa latou te faia ni fonotaga masani i tausaga taitasi ma faatautaia le faamaopoopoga o auaunaga ECD, a'oa'oga, mata'ituina ma le iloiloga, ma polokalame faale-tausaga ma le fuafuaina o paketi mo le ECD.



O le a manaomia foi e le MWCSO ma le Fa'atonu o le ECD ona faamautinoia o loo faatumauina sootaga malolosi ma faamalosi atili ma le FAO, ILO, UNDP, UNICEF, UNESCO, UNFPA, WHO, ma le Faletupe a le Lalolagi, Faletupe mo le Atinaega o Asia (ADB), Upegafesootai mo le itulagi o Asia/Pasefika mo Le Tamaitiiti (ARNEC), ma ofisa o Ausetalia, Saina, Malo o le Taupulega, Farani, Peretania Tele, Iapani, Niu Sila, Lunaite Setete, ma isi atunuu. E le gata i lea, o sootaga ma le Vaaiga a le Lalolagi, Sefe Tamaiti, Oxfam, ma isi faalapotopotoga faavaomalo e aofia ai faalapotopotoga tuma'oti (INGOs) e manaomia ona faamalosi pea ma isi sootaga e tulit-ulimatagauina

O sui o le Komiti Faufautua mo le Vaega Ma'oti mo Atinae o Nu'u ma Afioaga a le Malo, o le Komiti Galue mo le ECD, ma le MWCSO o le a faamautinoaina lipoti faaletausaga e uiga i le alualu i luma o mea ua ausia i le faatinoina o Fuafuaga Faatino a le ECD, ua saunia ma tuuina atu i paaga autu faapea foi ma o tatou sui o le Palemene. E le gata i lea, o le a tali atu nei faalapotopotoga i talosaga mo:

- ✧ Ripoti ma faamatalaga patino.
- ✧ Fonotaga ma paaga.
- ✧ Fesoasoani i talosaga mo faamatalaga e faailoa ai le tusiaina o tulafono.
- ✧ Saunia o faamatalaga ma taitaiga e lagolago ai auaunaga a le ECD i Samoa.

I le faaaogaina o le Fa'atonu folau mo le tapu'eina o olaga amata i Samoa ma lona Fuafuaga Muamua mo le Faatinoga, o le faatinoga muamua lava a le Komiti Faufautua (CSAC) o le iloilo ina lea o Tuutuuga o le TOR o loo i ai nei ia mautinoia o loo iai tiute tauave mo le ECD; ma ia o gatasi ma matafaioi ale Fa'atonu o le ECD e lagolago ai le TOR. O tuutuuga uma i le TOR o le a aofia ai faamoemoega, matafaioi, tiute tauave, ma galuega e tatau ona faatino ma le taimi e tatau ona faatino ai mo faalapotopotoga taitasi.

